

四庫全書

子部

欽定四庫全書

子部

本草綱目卷十九

詳校官八肅院肅實臣姜晟

編修臣倉聖脈覆勘

總校官庶吉士臣何思鈞

校對官待詔臣胡士震

謄錄監生臣俞昌言

欽定四庫全書

本草綱目卷十九目錄

草之八

水草類二十二種

內附四種

澤瀉

本經酸  
惡附

薺草

唐本

羊蹄

本經

酸模

日華牛舌  
麋舌蛇舌附

龍舌草

綱目

菖蒲

本經

白菖

別錄

香蒲

本經

蒲黃

本經

菰

別錄

苦草

綱目

水萍

本經

蘋

吳普

萍蓬草

拾遺

苔菜

唐本草

蓴

別錄

水藻

綱目

海藻

本經

海蘊

拾遺

海帶

嘉祐

昆布

別錄

越王餘算

拾遺

石帆

日華

水松

綱目

右附方舊四十八新七十一

本草綱目卷十九目錄

欽定四庫全書

本草綱目卷十九

明 李時珍 撰

草之八

水草類二十二種  
內附四種

澤瀉

本經上品

釋名水瀉

本經

鵠瀉

本經

及瀉

別錄

瀹

音俞

芒芋

別錄

禹孫

珍曰

去水

曰瀉如澤水之瀉也禹能

治水故曰禹孫餘未詳

集解

別錄曰澤瀉生汝南池澤五月采葉八月采根九月采實陰乾弘景曰汝南郡屬豫州今近道

亦有不堪用惟用漢中南鄭青州代州者形大而長尾間必有兩岐為好此物易朽蠹常須密藏之叢生淺水中葉狹而長恭曰今汝南不復采惟以涇州華州者為善頌曰今山東河陝江淮亦有之漢中者為佳春生苗多在淺水中葉似牛舌獨莖而長秋時開白花作叢似穀精草秋末采根暴乾

根修治

數曰不計多少細剉酒浸一宿取出暴乾任用

氣味甘寒無毒

別錄曰鹹權曰苦元素曰甘平沉而降陰也杲曰甘鹹寒降陰也好古曰

陰中微陽入足太陽少陰經扁鵲曰多服病人眼之才曰畏海蛤文蛤

主治風寒濕痺

乳難養五臟益氣力肥健消水久服耳目聰明不飢

延年輕身面生光能行水上

本經

補虛損五臟痞滿起

陰氣止洩精消渴淋瀝逐膀胱三焦停水別錄主腎虛

精自出治五淋宣通水道甄權主頭旋耳虛鳴筋骨攣

縮通小腸止尿血主難產補女人血海令人有子大明

入腎經去舊水養新水利小便消腫脹滲洩止渴元素

去脬中留垢心下水痞李杲滲濕熱行痰飲止嘔吐瀉

痢症痛脚氣時珍

發明頌曰素問治酒風身熱汗出用澤瀉術深師方

治支飲亦用澤瀉木但煮法小別耳張仲景治  
雜病心下有支飲苦胃有澤瀉湯治傷寒有大小澤  
瀉湯五苓散輩皆用澤瀉行利停水為最要藥元素

曰澤瀉乃除濕之聖藥入腎經治小便淋瀝去陰間汗無此疾服之令人目盲宗爽曰澤瀉之功長於行水張仲景治水蓄渴煩小便不利或吐或瀉五苓散主之方用澤瀉故知其長於行水本草引扁鵲云多服病人眼誠為行去其水也凡服澤瀉散人未有不小便多者小便既多腎氣焉得復實今人止洩精多不敢用之仲景八味丸用之者亦不過引接桂附等歸就腎經別無他意好古曰本經云久服明目扁鵲云多服昏目何也易老云去胛中留垢以其味鹹能瀉伏水故也瀉伏水去留垢故明目小便利腎氣虛故昏目王履曰寇宗奭之說王好古疑之切謂八味丸以地黃為君餘藥佐之非止補血兼補氣也所謂陽旺則能生陰血也地黃山茱萸茯苓牡丹皮皆腎經之藥附子官桂乃右腎命門之藥皆不待澤瀉之接引而后至也則八味丸之用此蓋取其瀉腎邪養五臟益氣力起陰氣補虛損五勞之功而已雖能瀉

腎從于諸補藥羣衆之中則亦不能瀉矣時珍曰澤瀉氣平味甘而淡淡能滲洩氣味俱薄所以利水而洩下脾胃有濕熱則頭重而目昏耳鳴澤瀉滲去其濕則熱亦隨去而上氣得令清氣上行天氣明爽故澤瀉有養五臟益氣力治頭旋聰明耳目之功若久服則降令太過清氣不升真陰潛耗安得不目昏耶仲景地黃丸用茯苓澤瀉者乃取其瀉膀胱之邪氣非引接也古人用補藥必兼瀉邪邪去則補藥得力一闢一闔此乃玄妙后世不知此理專一于補所以久服必至偏勝之害也

### 正誤

弘景曰仙經服食斷穀皆用之亦云身輕能步

水調日分服六兩百日體輕而健行時珍曰神農書列澤瀉于上品復云久服輕身面生光能行水上與術云澤瀉久服令人身輕日行五百里走水上一名澤芝陶蘇皆以為信然愚切疑之澤瀉行水瀉腎久

服且不可又安有此神功耶其謬可知

附方

舊一新五

酒風汗出

素問黃帝曰有病身熱懈惰汗出如浴惡風少氣此為何病岐

伯曰病名酒風治之以澤瀉白朮各三分麋屑五分合以三指撮為度服後飯後飯者先服藥也見

十五卷薇御發明條內

水濕腫脹

白朮澤瀉各一兩為末或為保

命冒暑霍亂

小便不利頭暈引飲三白散用澤瀉白朮白茯苓各三錢水一盞薑五片燈心

十莖煎八分溫服

支飲苦冒

仲景澤瀉湯用澤瀉五兩白朮二兩水二升煮一升分二服

深師方先以水二升煮二物取一升又以水一升煮澤瀉取五合二汁分再服病甚欲眩者服之必瘥

腎臟風瘡

澤瀉皂莢水煮爛焙研煉蜜丸如梧子大空心溫酒下十五丸至二十九經方

瘧後怪症

口鼻中氣出盤旋不散凝如黑葢色過十日漸至肩與肉相連堅勝金石無由飲食

煎澤瀉湯

日飲三盞連服

五日愈

夏子益奇疾方

葉氣味鹹平無毒主治大風乳汁不出產難強陰氣

久服輕身

別錄壯水臟通血脈大

實氣味甘平無毒主治風痺消渴益腎氣強陰補不

足除邪濕久服面生光令人無子

別錄

發明

時珍曰別錄言澤瀉葉及實強陰氣久服令人無子而日華子言澤瀉催生補女人血海令人

有子似有不同既云強陰何以令人無子既能催生何以令人有子蓋澤瀉同補藥能逐下焦濕熱邪垢

邪氣既去陰強海淨謂之有子可也若久服則腎氣大洩血海反寒謂之無子可也所以讀書不可執一

附錄酸惡

別錄有名未用曰主惡瘡去白蟲生水旁狀如澤瀉

薺草

唐本草

釋名薺菜

恭

薺榮

集解

恭曰薺菜所在有之生水旁葉似澤瀉而小花青白色亦堪蒸啖江南人用蒸魚食甚美五六

月采莖  
暴乾用

氣味甘寒無毒主治暴熱喘息小兒丹腫

恭

羊蹄

本經  
下品

釋名蓄

經

禿菜

弘景

敗毒菜

綱目

牛舌菜

同

羊蹄大黃

庚辛

玉冊鬼目

本經

東方宿

同

連蟲陸

同

水黃芹

俗

子名金蕎

麥

弘景

曰今人呼為禿菜即蓄字音訛也時珍曰羊蹄似根名牛舌以葉形名禿菜以治禿瘡名也詩

小雅云言采其遂陸機注云遂即蓄字今之羊蹄也幽州人謂之遂根似長蘆蘆而莖赤亦可瀹為茹滑美鄭樵通志指遂為爾雅之菲及蕒者誤矣金蕎麥以相似名

集解

別錄

曰羊蹄生陳留川澤保昇曰所在有之生下濕地春生苗高者三四尺葉狹長頗似蒿苳

而色深莖節間紫赤開青白花成穗結子三稜夏中即枯根似牛蒡而堅實宗奭曰葉如菜中波稜但無岐而色差青白菜厚花與子亦相似葉可潔擦礪石子名金蕎麥燒煉家用以制鉛汞時珍曰近水及濕

地極多葉長尺餘似牛舌之形不似波稜入夏起臺  
開花結子花葉一色夏至即枯秋深即生凌冬不死  
根長近尺赤黃色  
如大黃胡蘿蔔形

根氣味苦寒無毒

恭曰辛苦有小毒時珍曰  
能制三黃砒石丹砂水銀

主治頭禿疥癩除熱女子陰蝕

本經

浸淫疽痔殺蟲

別錄

療蠱毒

恭

治癬殺一切蟲醋磨貼腫毒

大擣汁二三

匙入水半盞煎之空腹溫服治產後風秘殊驗

宗奭

發明

震亨曰羊蹄根屬水走血分頌曰新采者磨醋  
塗癬速効亦煎作丸服采根不限多少擣絞汁

一大升白蜜半斤同熬如稠錫更用防風末六兩搜  
和令可丸丸如梧子大用枯樓甘草煎酒下三二十

丸日二

三服

附方

新舊六

大便卒結

羊蹄根一兩水一大盞煎六分溫服

聖惠方

腸風下

血

敗毒菜根洗切用連皮老薑各半盞同炒赤以無灰酒淬之盞蓋少頃去滓任意飲永類方

痺不語

羊蹄獨根者勿見風日及婦人雞犬以三年醋研如泥生布拭喉外今赤塗之千金方

面上紫塊

如錢大或滿面俱有野大黃四兩取汁穿山甲十片燒存性川椒末五錢生薑四兩

取汁和研生絹包擦如乾入醋潤濕數次如初累効陸氏積德堂方

癰瘍風駁

羊蹄根

于生鐵上磨好醋旋旋刮塗疏黃少許更妙日用之聖惠

汗斑癰風

羊蹄根二兩獨科掃

帚頭一兩枯礬五錢輕粉一錢生薑半兩同杵如泥以湯澡浴用手抓患處起粗皮以布包藥著力擦之

暖臥取汗即愈也乃鹽山劉氏方  
比用硫黃者更妙  
**頭風白屑**  
羊蹄草根并同

羊膽汁塗之永  
**頭上白禿**  
獨根羊蹄勿見婦女雞犬除聖惠方  
風日以陳醋研如泥生布

擦赤傳之日  
一次  
**癬久不瘥**  
簡要濟衆方用羊蹄根并絞汁入輕粉少許和如膏塗之

三五次即愈  
者即羊蹄根搗三錢入川百藥煎二錢白梅肉搗勻

以井華水一盞濾汁澄清天明空心服之不宜食熱物其滓抓破擦之三次即愈  
千金方治細癬用羊

蹄根五斤桑柴灰煮四五沸取汁  
洗之仍以羊蹄汁和礬末塗之  
**漏瘤濕癬**  
浸濕日廣痒不

可忍愈後復發出黃水羊蹄根搗和  
醋洗淨塗上一時以冷水洗之日一次  
**疥瘡有虫**  
羊蹄

根搗和猪脂入鹽少許  
日塗之外臺秘要

葉氣味甘滑寒無毒

主治小兒疳虫殺胡夷魚鮭魚檀胡魚毒作菜多食

滑大腑

大明時珍曰胡夷鮭魚皆河豚名檀胡未詳

作菜止痒不宜多食

令人下氣

洗

連根爛蒸一盃食治腸痔瀉血甚効

時珍

附方

舊

一縣癰舌腫

咽生息肉羊蹄草煮汁熱含冷即吐之

聖惠

實氣味苦濇平無毒主治赤白雜痢

恭

婦人血氣

時珍

酸模

日華

釋名山羊蹄

綱目

山大黃

拾遺

養蕪

爾雅

酸母

綱目

蔘

同

當藥

時珍曰葎蕪乃酸模之音轉酸模又酸母之轉皆以味而名與三葉酸母草同名掌禹錫以葎蕪為蔓菁

菜誤矣

集解

弘景曰一種極似羊蹄而味酸呼為酸模亦療疥也大明曰所在有之生山岡上狀似羊蹄葉

而小黃莖葉俱細節間生子若芡蔚子藏器曰即是山大黃一名當藥其葉酸美人亦采食其英爾雅須葎蕪郭璞注云似羊蹄而稍細味酸可食一名蔞也時珍曰平地亦有根葉花形並同羊蹄但葉小味酸為異其根赤黃色連根葉取汁煉霜可制雄汞

氣味酸寒無毒

時珍曰葉酸根微苦

主治暴熱腹脹生搗汁服當下利殺皮膚小蟲

藏器治

芥

景弘

療痢乃佳

保昇

去汗斑同紫萍搗擦數日即沒

時珍

附方

一新

療疽毒瘡

肉中忽生黯子如粟豆大者如梅李或赤或黑或青或白其中有核

核有深根應心腫泡紫黑色能爛筋骨毒入臟腑殺人宜灸點上百壯以酸模葉薄其四面防其長也內

服葵根汁其毒自愈

千金方

附錄牛舌實

別錄有名未用曰味鹹溫無毒主輕身益氣生水中澤旁大葉長尺五月采實

一名豕首器曰今東土人呼田水中大葉如牛耳者為牛耳菜時珍曰今人呼羊蹄為牛舌菜恐羊蹄是

根此是其實否則

是膚舌

別錄曰味辛微溫無毒主霍亂腹痛吐逆心煩生水

中五月采之弘景曰生小小水中今人五月五日采乾以治霍亂甚良

龍舌草

綱目

集解

時珍曰龍舌生南方池澤湖泊中葉如大葉菰菜及茱萸狀根生水底抽莖出水開白花根似

胡蘿蔔根而香杵汁能炙驚鴨卵  
方家用煮丹砂煨白礬制三黃

氣味甘鹹寒無毒主治癰疽湯火灼傷擣塗之

時珍

附方

一新

乳癰腫毒

龍舌草忍冬藤研爛蜜和傳之多能鄙事

菖蒲

本經上品

釋名昌陽

別錄

堯韭

普

水劍草

時珍曰菖蒲乃蒲類之昌盛者故曰菖蒲又呂

氏春秋云冬至後五十七日菖始生菖者百草之先生者於是始耕則菖蒲昌陽又取此義也典術云堯

時天降精于庭為韭感百陰之氣為菖蒲故曰堯韭方士隱為水劍因葉形也

### 集解

別錄曰菖蒲生上洛池澤及蜀郡嚴道一寸九節者良露根不可用五月十二月采根陰乾弘

景曰上洛郡蜀梁州嚴道縣在蜀郡今乃處處有生石磧上概節為好在下濕地大根者名昌陽不堪服食真菖蒲葉有脊一如劍刃四月五月亦作小蘆花也東間溪澤又有名溪蓀者根形氣色極似石上菖蒲而葉正如蒲無脊俗人多呼此為石上菖蒲者謬矣此止主欬逆斷蚤虱不入服食用詩詠多云蘭蓀芷謂此也大明日菖蒲石澗所生堅小一寸九節者上出宣州二月八月采頌曰處處有之而池州戎州者佳春生青葉長一二尺許其葉中心有脊狀如劍無花實今以五月五日收之其根盤屈有節狀如馬鞭大一根旁引三四根旁根節尤密亦有一寸十二節者采之初虛軟曝乾方堅實折之中心色微赤嚼

之辛香少澤人多植於乾燥沙石土中臘月移之尤易活黔蜀蠻人常將隨行以治卒患心痛其生蠻谷中者尤佳人家移種者亦堪用但乾後辛香堅實不及蠻人持來者此皆醫方所用石菖蒲也又有水菖蒲生溪澗水澤中不堪入藥今藥肆所貨多以二種相雜尤難辨也承曰今陽羨山中生水石間者其葉逆水而生根鬚絡石畧無少泥土根葉極緊細一寸不啻九節入藥極佳二浙人家以瓦石器種之旦暮易水則茂水濁及有泥滓則萎近方多用石菖蒲必此類也其池澤所生肥大節疎粗慢恐不可入藥唯可作果盤氣味不烈而和淡爾時珍曰菖蒲凡五種生於池澤蒲葉肥根高二三尺者泥菖蒲白菖也生於溪澗蒲葉瘦根高二三尺者水菖蒲溪蓀也生於水石之間葉有劍脊瘦根密節高尺餘者石菖蒲也人家以砂栽之一年至春剪洗愈剪愈細高四五寸葉如韭根如匙柄粗者亦石菖蒲也甚則根長二三

分葉長寸許謂之錢蒲是矣服食入藥須用二種石  
菖蒲餘皆不堪此草新舊相代四時常青羅浮山記  
言山中菖蒲一寸二十節抱朴子言服食以一寸九  
節紫花者尤善蘇頌言無花實然今菖蒲二三月間  
抽莖開細黃花成穗而昔人言菖蒲難得見花非無  
花也應劭風俗通云菖蒲放花人得食之長年是矣

### 根修治

敬曰凡使勿用泥菖夏菖二件如竹根鞭形  
黑氣穢味腥惟石上生者根條嫩黃紫硬節

稠一寸九節者是真也采得以銅刀刮去黃黑硬節  
皮一重以嫩桑枝條相拌蒸熟暴乾剉用時珍曰服  
食須如上述法制若常用但去毛微炒耳

### 氣味辛溫無毒

權曰苦辛平之才曰秦皮秦芄為之  
使惡地膽麻黃大明曰忌飴糖羊肉

勿犯鐵器  
令人吐逆

主治風寒濕痺欬逆上氣開心孔補五臟

通九竅明耳目出音聲主耳聾癰瘡溫腸胃止小便

利久服輕身不忘不迷惑延年益心智高志不老

本經

四肢濕痺不得屈伸小兒溫瘡身積熱不解可作浴

湯

別錄

治耳鳴頭風淚下鬼氣殺諸蟲惡瘡疥癬除

甄權

風下氣丈夫水臟女人血海冷敗多忘除煩悶止心

腹痛霍亂轉筋及耳痛者作末炒乘熱裹署甚驗

大明

心積伏梁

好古

治中惡卒死客忤癰瘡下血崩中安胎

漏散癰腫擣汁服解已豆大戟毒

時珍

發明

頌曰古方有單服菖蒲法蜀人治心腹冷氣搗

隨行卒患心痛嚼一二寸槌碎同吳茱萸煎湯飲之亦將  
曰國初周顒仙對太祖高皇帝常嚼菖蒲飲水問甚  
故云服之則可無腹痛之疾高皇御製碑中載之  
菖蒲氣溫味辛乃手少陰足厥陰之藥心氣不足  
者用之虛則補其母也肝苦急以辛補之是矣道  
藏經有菖蒲傳一卷其語粗陋今畧節其要云菖  
蒲者水草之精英神仙之靈藥也其法采緊小似  
魚鱗者一斤以水及米泔浸各一宿刮去皮切暴  
乾搗篩以糯米粥和勻更入熟蜜搜和九如梧子  
大稀葛袋盛置當風處令乾每旦酒飲任下三十  
九臨卧更服三十九服至一月消食二月痰除服  
至五年骨髓充顏色澤白髮黑落齒更生其藥以  
五德配五行葉青花赤節白心黃根黑能治一切  
諸風手足頑痺癰緩不遂五勞七傷填血補腦堅

骨髓長精神潤五臟裨六腑開胃口和血脈益口齒明耳目澤皮膚去寒熱除三尸九蟲天行時疾瘰癧瘦病癰痢痔漏婦人帶下產後血運並以酒服河內葉敬母中風服之一年而百病愈寇天師服之得道至今廟前猶生菖蒲鄭魚曾原等皆以服此得道也又按葛洪抱朴子云韓衆服菖蒲十三年身上生毛冬袒不寒日記萬言商丘子不娶惟食菖蒲根不饑不老不知所終神仙傳云咸陽王典食菖蒲得長生安期生采一寸九節菖蒲服仙去又按臞仙神隱書云石菖蒲置一盆於几上夜間觀書則收烟無害目之患或置星露之下至旦取葉尖露水洗目大能明視久則白晝見星端午日以服酒尤妙蘇東坡云凡草生石上必須微土以附其根惟石菖蒲濯去泥土漬以清水置盆中可數十年不枯節葉堅瘦根鬚連絡蒼然於几案間久更可喜其延年終身之功既非昌陽可比

至于忍寒淡泊不待泥土而生又豈昌陽所能彷彿哉楊士瀛曰下痢禁口雖是脾虛亦熱氣閉隔心胸所致俗用木香失之溫用山藥失之閉惟參苓白朮散加石菖蒲粳米飲調下或用參苓石蓮肉少入菖蒲服胸次一開自然思食

**附方**

舊九新

**服食法**

甲子日取菖蒲一寸九節者陰乾百日為末每酒服方寸七日

三服久服耳目聰明

**健忘益智**

七月七日取菖蒲為末酒服方寸七飲酒

不醉好事者服而驗之久

**三十六風**

有不治者服之悉効菖蒲薄切

日乾三斤盛以絹袋玄水一斛即清酒也懸浸之蜜封一百日視之如菜綠色以一斗熟黍米納中封十

四日取出日飲

**癰癩風疾**

九節菖蒲不聞雞犬聲者去毛水曰擣末以黑豬

心一箇批開砂確煮湯調服尸厥斃死尸厥之病卒

三錢日一服醫學正傳尸厥斃死尸厥之病卒

其耳目中如微語聲股間暖者是也斃死之病臥忽

不寤勿以火照但痛齧其踵及足拇趾甲際唾其面

即甦仍以菖蒲根汁灌之肘後方卒中客忤根菖蒲

下并以菖蒲根汁灌之肘後方卒中客忤根菖蒲

汁含之立止除一切惡端午日切菖蒲漬酒飲之或

肘後方除一切惡雄黃少許洞天保生錄

喉痺腫痛

菖蒲根嚼汁燒鐵秤鍾淬霍亂脹痛生菖

酒一盃飲之聖濟總錄霍亂脹痛生菖

四兩水和搗汁分諸積鼓脹食積氣積血積之類石

溫四服聖惠方諸積鼓脹食積氣積血積之類石

去翅足同炒黃去斑蝥不用以布袋盛拽去蝥末為

末醋糊丸梧子大每服三五丸溫白湯下治腫脹

尤妙或入香附末

二錢

奇効方

肺損吐血

每服三錢新汲水下

日一服  
聖濟錄

### 解一切毒

石菖蒲白礬等分為末  
新汲水下  
事林廣記

赤白帶

下

石菖蒲破故紙等分炒為末  
更以菖蒲浸酒調服日一  
婦人良方

胎動半產

卒動不安或腰痛胎轉搶心下血不止或日月未  
足而欲產並以菖蒲根搗汁一二升服之  
千金

後崩中

下血不止菖蒲一兩半酒二盞煎取一  
盞去滓分三服食前溫服  
千金方

耳卒

聾閉

菖蒲根一寸巴豆一粒去心同搗作七丸綿裹  
一丸塞耳日一換一方不用巴豆用蓖麻仁

肘後方

病後耳聾

生菖蒲汁滴  
之聖惠方  
蚤虱入耳

菖蒲末炒熱  
袋盛枕之即

愈聖濟錄

諸般赤眼

攀睛雲翳菖蒲搗自然汁文武  
火熬作膏日點之効  
聖濟錄

驗挑鍼

獨生菖蒲根同鹽  
研傳壽域聖方

飛絲入目

石菖蒲搗碎左  
目塞右鼻右目

塞左鼻百發百中

危氏得效方

頭瘡不瘥

菖蒲末油調傳之日  
三夜二次法天生意癰

疽發背

生菖蒲搗貼之瘡乾者為末  
水調塗之孫用和祕寶方  
露岐便毒生菖蒲根

擣傳之

證

熱毒濕瘡

宗奭曰有人遍身生瘡痛而  
不痒手足尤甚粘著衣被曉

治治要訣

夕不得睡有人教以菖蒲三斗日乾為末布席上臥  
之仍以衣被覆之既不粘衣又復得睡不五七日其

瘡如失後以治人應

風癰有蟲

菖蒲末五斤酒漬釜  
中蒸之使味出先絕

手神驗

衍義本草

酒一日每服一升  
或半升千金方

陰汗濕痒

石菖蒲蛇牀子等分為  
末日搽二三次濟急

仙方葉主治洗疥大風瘡

時珍

白昌

別錄有  
名未用

釋名水昌蒲

別錄

水宿

別錄

莖蒲

別錄

昌陽

拾遺

溪孫

拾遺

蘭孫

弘景時珍曰此即今池澤所生昌蒲葉無劍脊根肥白而節疎慢故謂之白昌古人以根為菹食謂之昌

本亦曰昌歎文王好食之其生溪澗者名溪蓀

集解

別錄曰白昌十月采藏器曰即今之溪蓀也一名昌陽生水畔人亦呼為菖蒲與石上菖蒲都

別根大而臭色正白頌曰水菖蒲生溪澗水澤中甚多失水則枯葉似石菖但中心無脊其根乾後輕虛多澤不堪入藥時珍曰此有二種一種根大而肥白節疎者白菖也俗謂之泥菖蒲一種根瘦而赤節稍密者溪蓀也俗謂之水菖蒲葉俱無劍脊溪蓀氣味勝似白菖並可殺蟲不堪服食

氣味甘無毒

別錄曰甘辛溫汁制雄黃雌黃砒石

主治食諸蟲

別錄

主風

濕欬逆去蟲斷蚤虱

孔景

研末油調塗疥瘡

蘇頌

香蒲

本經上品

蒲黃

本經上品

釋名甘蒲

蘇恭

醯石

吳普

花上黃粉名蒲黃

恭曰

香蒲即甘蒲可作薦

者春初生取白為菹亦堪蒸食山南人謂之香蒲以菖蒲為臭蒲也蒲黃即此蒲之花也

集解

別錄曰香蒲生南海池澤蒲黃苗也處處有之以秦州月采之頌曰香蒲蒲黃苗也處處有之以秦州

者為良春初生嫩葉出水時紅白色茸茸然取其中心入地白蒻大如七柄者生啖之甘脆又以醋浸如食筍大美周禮謂之蒲菹今人罕有食之者至夏抽梗於叢葉中花抱梗端如武士棒杵故俚俗謂之蒲槌亦曰蒲葶花其蒲黃即花中蕊屑也細若金粉當欲開時便取之市廛以蜜搜作果食貨賣時珍曰蒲

叢生水際似莞而編有脊而柔二三月苗采其嫩根  
淪過作鮓一宿可食亦可燂食蒸食及晒乾磨粉作  
飲食詩云其藪伊何惟筍及蒲是矣八  
九月收葉以為席亦可作扇軟滑而溫

正誤

弘景曰香蒲方藥不復用人無采者南海人亦  
不復識江南貢菁茅一名香茅以供宗廟縮酒

或云是薰草又云是燕麥此蒲亦相類耳恭曰陶  
氏所引菁茅乃三脊茅也香茅燕麥薰草野俗皆識  
都非香  
蒲類也

蒲葍一名蒲筍

食物蒲兒根  
野菜譜

氣味甘平無毒

時珍  
日寒

主治五臟心下邪氣口中爛臭

堅齒明目聰耳久服輕身耐老

本經

去熱燥利小便

甯原

生啖止消渴

汪穎

補中益氣和血脈

正

擣汁服治妊婦

勞熱煩躁胎動下血

時珍出產乳

附方

舊

妬乳乳癰

蒲黃草根搗封之并煎汁飲及食之

晉殷產寶

熱毒下

痢

蒲根二兩粟米二合水煎服日二次聖濟總錄

蒲黃

本經上品

修治

數日凡使勿用

松黃并黃蒿其二件全似只是味阻及土人真蒲黃須隔三重紙焙令色黃蒸半日却再焙乾用之妙大明曰破血消腫者生用之補血止血者須炒用

氣味甘平無毒主治心腹膀胱寒熱利小便止血消

瘀血久服輕身益氣力延年神仙

本經

治痢血鼻衄吐

血尿血瀉血利水道通經絡止女子崩中

甄權

婦人帶

下月候不勻血氣心腹痛妊婦下血墜胎血運血癥

兒枕氣痛顛撲血悶排膿瘡癰遊風腫毒下乳汁止

洩精

大明

涼血活血止心腹諸痛

時珍

發明

弘景曰蒲黃即蒲釐花上黃粉也甚療血仙經亦用之宗奭曰汁人初得羅去滓以水調為膏

擘為塊人多食之以解心臟虛熱小兒尤嗜之過月則燥色味皆淡須蜜水和不可多食令人自利極能虛人時珍曰蒲黃手足厥陰血分藥也故能治血治痛生則能行熟則能止與五靈脂同用能治一切心腹諸痛詳見禽部寒號虫下按許叔微本事方云有士人妻舌忽脹滿口不能出聲一老叟教以蒲黃頻

摻比曉乃愈又芝隱方云宋度宗欲賞花一夜忽舌腫滿口蔡御醫用蒲黃乾薑末等分乾搽而愈據此二說則蒲黃之涼血活血可證矣蓋舌乃心之外候而手厥陰相火乃心之臣使得乾薑是陰陽相濟也

附方

舊十四  
新十一

舌脹滿口

上方見

重舌生瘡

蒲黃末傳之  
不過三上瘡

金方 肺熱衄血

蒲黃青黛各一錢新汲水服之或去青黛入油髮灰等分生地黃汁調下

單方 簡便

吐血唾血

蒲黃末二兩每日溫酒或冷水服三錢妙簡要濟衆方

老幼

吐血

蒲黃末每服半錢生地黃汁調下量人加減或入髮灰等分聖濟總錄

小便出血

上方同 小便轉胞

以布包蒲黃裹腰腎令頭致地數次取通

金瘡出血

酒灌下 闊絕蒲黃半兩熱 瘀血內漏 蒲黃末二兩每服方寸 危氏方 七水調下服盡止 肘

後腸痔出血

蒲黃末方寸七水服之日三服

小兒妳痔

蒲黃空

服方寸七日

三塞上方

脫肛不收

胎動欲

產

日月未足者蒲黃二錢

產婦催生

蒲黃地龍洗焙

未另收臨時各炒一錢新汲水調服

胞衣不下

蒲黃

井水服之

產後下血

羸瘦迫死蒲黃二兩水二

產後

血瘀

蒲黃三兩水三升煎

兒枕血瘀

飲服蒲黃三錢米

後煩悶

蒲黃方寸七東流

產寶墜傷撲損

瘀血在內煩悶

溫酒服三錢

關節疼痛

蒲黃八兩熟附子一兩為末

後陰下濕癢

蒲黃末傳三度癢千金方

聵耳出膿

蒲黃末摻之聖惠口

耳大衄

蒲黃阿膠炙各半兩每用二錢水一盞生地黃汁一合煎至六分溫服急以帛繫兩乳止

乃己

聖惠方

耳中出血

蒲黃炒黑研末摻入簡便方

滓

蒲黃中篩出赤滓名曰蒲萼也

主治炒用溫腸止瀉血血痢妙

大明

菰

別錄下品

釋名茭草

說文蔣草

時珍曰按許氏說文菰本作茭從瓜諧聲也有米謂之彫菰已見穀

部菰米下江南人呼菰為茭以其根交結也蔣義未詳

集解

保昇曰菰根生水中葉如蔗荻久則根盤而厚夏月生苗堪啖名菰菜三年者中心生白臺如

藕狀似小兒臂而白軟中有黑脈堪啖者名菰首也藏器曰菰首小者臂之內有黑灰如墨者名烏鬱人亦食之晉張翰思吳中蓴菰即此也頌曰菰根江湖陂澤中皆有之生水中葉如蒲葦輩刈以秣馬甚肥春末生白茅如筍即菰菜也又謂之茭白生熟皆可啖甜美其中心如小兒臂者名菰手作菰首者非矣爾雅云出隧蘧蔬註云生菰草中狀似土菌江東人啖之甜滑即此也故南方人至今謂苗為菰亦緣此義其根亦如蘆根冷利更甚二浙下澤處菰草最多其根相結而生久則并生浮於水上彼人謂之菰葑刈去其葉便可耕蒔又名葑田其苗有莖硬者謂之菰蔣草至秋結實乃彫胡米也歲飢人以當糧宗奭曰菰乃蒲類河朔邊人止以飼馬作薦八月開花如葦結青子合粟為粥食甚濟飢杜甫所謂波漂菰米

沉雲黑  
者是也

菰筍一名茭筍

日用

茭白

經圖

菰菜

同

氣味甘冷滑無毒

說曰滑中不可多食頌曰菰之種類皆極冷不可過食甚不益人惟

服金石人相宜耳

主治利五臟邪氣酒皸面赤白癩瘡瘍目

赤熱毒風氣卒心痛可鹽醋煮食之

孟說

去煩熱止渴

除目黃利大小便止熱痢雜鯽魚為羹食開胃口解

酒毒壓丹石毒發

藏器

菰手一名菰菜

日用

茭白

通志

茭粳

俗名

蘆蔬

音穗

穗

氣味甘冷滑無毒

大明曰微毒說曰性滑發冷氣令  
人下焦寒傷陽道禁蜜食發痼疾

服已豆人  
不可食

主治心胸中浮熱風氣滋人齒孟煮食止

渴及小兒水痢

藏器

菰根氣味甘大寒無毒

頌曰菰根亦如  
蘆根冷利更甚

主治腸胃痼

熱消渴止小便利擣汁飲之

別錄

燒灰和雞子白塗火

燒瘡

藏器

附方

舊二

小兒風瘡

久不愈者用菰蔣節燒  
研傳之子母秘錄

毒蛇傷齧

菰蔣草根燒灰傳  
之外臺秘要

葉主治利五臟

大明

菰米

見穀部

苦草

綱目

集解

時珍曰生湖澤中長二三尺狀如茅蒲之類

氣味

缺

主治婦人白帶煎湯服又主好嗜乾茶不已面

黃無力為末和炒脂麻不時乾嚼之

時珍

水萍

本經中品

釋名

別錄曰水萍生雷澤池澤三月采暴乾弘景曰此是水中大萍非今浮萍子藥對云五月有花

白色即非今溝渠所生者楚王渡江所得乃斯實也  
藏器曰水萍有三種大者曰蘋葉圖闊寸許小萍子  
是溝渠間者本經云水萍應是小者頌曰爾雅云萍  
萍其大者蘋蘇恭言有三種大者曰蘋中者曰荇小  
者即水上浮萍今醫家鮮用大蘋惟用浮萍時珍曰  
本草所用水萍乃小浮萍非大蘋也陶蘇俱以大蘋  
註之誤矣萍之與蘋音雖相近字脚不同形亦迥別  
今釐正之互見蘋下浮萍處處池澤止水中甚多季  
春始生或云楊花所化一葉經宿即生數葉葉下有  
微鬚即其根也一種背面皆綠者一種面青背紫赤  
若血者謂之紫萍入藥為良七月采之淮南萬畢術  
云老血化為紫萍恐自有此種不盡然也小雅呦呦  
鹿鳴食野之苹者乃蒿  
屬陸佃指為萍誤矣

### 修治

時珍曰紫背浮萍七月采之揀淨以竹  
篩攤晒下置水一盆映之即易乾也

氣味辛寒無毒

別錄曰酸

主治暴熱身癢下水氣勝酒長

鬚髮止消渴久服輕身

本經

下氣以沐浴生毛髮

別錄

治

熱毒風熱熱狂燔腫毒湯火傷風癰

大明

擣汁服主水

腫利小便為末酒服方寸匕治人中毒為膏傅面黥

藏器

主風濕麻痺脚氣打撲傷損目赤翳膜口舌生瘡

吐血衄血癰風丹毒

時珍

發明

震亨曰浮萍發汗勝於麻黃頌曰俗醫用治時行熱病亦堪發汗甚有功其方用浮萍一兩四

月十五日采之麻黃去根節桂心附子炮裂去臍皮各半兩四物擣細篩每服一錢以水一中盞生薑半

分煎至六分，和滓熱服。汗出，乃瘥。又治惡疾、癰瘡、遍身者，濃煮汁浴。半日多效。此方甚奇，古也。時珍曰：浮萍，其性輕浮，入肺經，達皮膚，所以能發揚邪汗也。世傳宋時東京開河，掘得石碑，梵書大篆一詩，無能曉者。真人林靈素逐字辨譯，乃是治中風方。名去風丹也。詩云：天生靈草，無根榦，不在山間，不在岸，始因飛絮逐東風，汎梗青青飄水面。神仙一味去沉疴，采時須在七月半。選甚癰風，與大風些小，微風都不算。豆淋酒化服三九，鐵鑊頭上也出汗。其法以紫色浮萍晒乾，為細末，煉蜜和丸。彈子大，每服一粒，以豆淋酒化下。治左癱右瘓，三十六種風，偏正頭風，口眼喎斜，大風癰風，一切無名風，及腳氣并打撲傷折及胎孕有傷，服過百粒，即為全人。此方後人易名紫萍一粒丹。

附方

舊七新十八

夾驚傷寒

紫背浮萍一錢，犀角屑半錢，鈎藤鈎三七箇，為末，每服半

錢蜜水調下連進三服  
出汗為度 聖濟錄

消渴飲水

日至一石者浮萍  
搗汁服之又方

用乾浮萍枯樓根等分為末人乳汁和九梧子  
大空腹飲服二十九三年者數日愈 千金方 小便

不利 勝脫水氣流滯浮萍日乾為末 水氣洪腫 小便  
飲服方寸七 日二服 千金翼

浮萍日乾為末每服方寸七 霍亂心煩 蘆根炙一兩  
白湯下日二服 聖惠方 半水萍焙人

參杷杷葉炙各一兩每服五錢入 吐血不止 紫背浮  
薤白四寸酒煎溫服 聖惠方

兩黃芪炙二錢半為末每服一 鼻衄不止 浮萍末吹  
錢薑蜜水調下 聖濟總錄 之 聖惠

方中水毒病 手足指冷至膝肘即是以浮萍日乾為  
末飲服方寸七 良 姚僧坦集驗方

大腸脫肛 水聖散用紫浮萍為末 身上虛癢 浮萍末  
乾貼之 危氏得效方 一錢以

黃芩一錢同四物湯煎湯調下丹溪纂要

### 風熱癰瘡

浮萍蒸過焙乾牛蒡子酒煮晒乾炒各一

兩為末每薄荷湯服一二錢日二次古今錄驗

### 風熱丹毒

浮萍搗汁遍塗之子母秘錄

### 汗斑癰風

端午日收紫背浮萍晒乾每以四兩煎水浴并以萍擦之或入漢防己二錢亦可

袖珍方

### 少年面皰

外臺用浮萍日按齣之并飲汁少許普濟方用紫背萍四兩防己一兩

煎濃汁洗之仍以萍於斑點上熱擦日三五次物雖微末其功甚大不可小看

普濟方

### 粉滓面

黥溝渠小萍為末日聖惠方

### 大風癰疾

浮萍草三月采淘三五次審三五日焙為

末不得見日每服三錢食前溫酒下常持觀音聖號忌豬魚雞蒜又方七月七日取紫背浮萍日乾為

末半升入好消風散五兩每服五錢水煎頻飲仍以煎湯洗浴之十便良方

### 癰瘡入目

浮萍

陰乾為末以生羊子肝半箇同水半盞煮熟搗爛絞汁調末服甚者不過一服已傷者十服見效 危氏

得效 弩肉攀睛 青萍少許研爛入片腦少許貼眼上效 危氏得效方 毒腫初

起 水中萍子草搗 發背初起 腫焮赤熱浮萍搗和雞 傳之 肘後方 子清貼之 聖惠方

楊梅瘡癰 水萍煎汁浸洗半日 燒烟去蚊 五月取浮 數日一作 集簡方 萍陰乾用

之 孫 真人方

蘋 吳普 本草

釋名茱菜 拾遺 四葉菜 厄言 田字草 時珍曰蘋本作薺左 傳蘋藜蘊藻之菜可

薦於鬼神可羞於王公則薺有賓之義故字從賓 其草四葉相合中折十字故俗呼為四葉菜田字草

破銅錢皆象形也諸家本草皆以蘋註水萍蓋由蘋  
萍二字音相近也按韻書蘋在真韻蒲真切萍在庚  
韻蒲經切切脚不同為物亦  
異今依吳普本草別出於此

### 集解

普曰水萍一名水廉生池澤水上葉圓小一莖  
一葉根入水底五月白花三月采日乾之弘景

曰水中大萍五月有花白色非溝渠所生之萍乃楚  
王渡江所得即斯實也恭曰萍有三種大者名蘋中  
者名苳葉皆相似而圓其小者即水上浮萍也藏器  
曰蘋葉圓闊寸許葉下有一點如水沫一名苳菜曝  
乾可入藥用小萍是溝渠間者禹錫按爾雅云萍萍  
也其大者曰蘋又詩云于以采蘋于澗之濱陸機注  
云其粗大者謂之蘋小者為萍季春始生可糝蒸為  
茹又可以苦酒淹之按酒今醫家少用此蘋惟用小  
萍耳時珍曰蘋乃四葉菜也葉浮水面根連水底其  
莖細於萐若其葉大如指頂面青背紫有細紋頗似

馬蹄決明之葉四葉合成中折十字夏秋開小白花故稱白蘋其葉攢簇如萍故爾雅謂大者如蘋也呂氏春秋云菜之美者有崑崙之蘋即此韓詩外傳謂浮者為藻沉者為蘋臞仙謂白花者為蘋黃花者為荇即金蓮也蘇恭謂大者為蘋小者為荇楊慎卮言謂四葉菜為荇陶弘景謂楚王所得者為蘋皆無一定之言蓋未深加體審惟據紙上猜度而已時珍一采視頗得其真云其葉徑一二寸有一缺而形圓如馬蹄者蓴也似蓴而稍尖長者荇也其花並有黃白二色葉徑四五寸如小荷葉而黃花結實如小角黍者萍蓬草也楚王所得萍實乃此萍之實也四葉合成一葉如田字形者蘋也如此分別自然明白又項氏言白蘋生水中青蘋生陸地按今之田字草有水陸二種陸生者多在稻田沮洳之處其葉四片合一與白蘋一樣但莖生地上高三四寸不可食方士取以煨硫結砂煮汞謂之水田翁項氏所謂青蘋蓋

即此也或以青蘋為水草誤矣

氣味甘寒滑無毒主治暴熱下水氣利小便

吳普

搗塗

熱瘡搗汁飲治蛇傷毒入腹內曝乾枯樓等分為末

人乳和丸服止消渴

藏器

食之已勞

山海經

萍蓬草

拾遺

釋名水栗

綱目

水栗子

時珍曰陳藏器拾遺萍蓬草即今水栗也其子如栗如蓬子也

俗人呼水栗包又云水栗子言其根味也或作水笠

集解

藏器曰萍蓬草生南方池澤葉大如荇花亦黃未開時狀如算袋其根如藕飢年可以當穀時

珍曰水栗三月出水莖大如指葉似荇葉而大徑四五寸初生如荷葉六七月開黃花結實狀如角黍長二寸許內有細子一包如罌粟澤農采之洗擦去皮蒸曝春取米作粥飯食之其根大如栗亦如雞頭子根儉年人亦食之作藕香味如栗子昔楚王渡江得萍實大如斗赤如日食之甜如蜜者蓋此類也若水萍安得有實耶三四月采莖葉取汁煮硫黃能拒火又段公路北戶錄有睡蓮亦此類也其葉如荇而大其花布葉數重當夏晝開花夜縮入水晝復出也

子氣味甘澀平無毒主治助脾厚腸令人不飢

時珍

根氣味甘寒無毒主治煮食補虛益氣力久食不飢

厚腸胃

藏器

茗菜

唐本草

釋名鳧葵

唐本

水葵

馬融傳

水鏡草

土宿本草

靨子菜

野菜譜

金

蓮子接余

時珍曰

按爾雅云若接余也其葉苳則鳧葵當作苳葵古文通用耳或云鳧喜食之

故稱鳧葵亦通其性滑如葵其葉頗似苳故曰葵曰苳詩經作苳俗呼苳絲菜池人謂之苳公鬚淮人謂

之靨子菜江東謂之金蓮子許氏說文謂之蘗音應楚詞謂之屏風云紫莖屏風文綠波是矣

集解

恭曰鳧葵即苳菜也生水中頌曰處處池澤有之葉似苳而莖澀根甚長花黃色郭璞註爾雅

云叢生水中葉圓在莖端長短隨水深淺江東人食之陸機詩疏云苳莖白而葉紫赤色正圓徑寸餘浮在水上根在水底大如釵股上青下白可以按酒用苦酒浸其白莖肥美令人不食醫方亦鮮用之時珍

曰荇與蓴一類二種也並根連水底葉浮水上其葉似馬蹄而圓者蓴也葉似蓴而微尖長者荇也夏月俱開黃花亦有白花者結實大如棠梨中有細子按獻寧王庚辛玉冊云鳧葵黃花者是荇菜白花者是白蘋即水鏡草一種孢子名水鼈雖有數種其用一也其莖葉根花並可伏硫煮砂制礬此以花色分別蘋若似亦未穩詳見蘋下

正誤

恭曰鳧葵南人名豬蓴堪食有名未用條中載也志曰鳧葵即荇菜葉似蓴根極長江南人多

食之今云是豬蓴誤矣今以春夏細長肥滑者為絲蓴至冬粗短者為豬蓴亦呼為龜蓴與鳧葵殊不相似也而有名未用類即無鳧葵豬蓴之名蓋後人刪去也時珍曰楊慎卮言以四葉菜為荇者亦非也四葉菜乃蘋也

氣味甘冷無毒主治消渴去熱利小便

唐本

擣汁服療

寒熱

開寶

擣傳諸腫毒火丹遊腫

時珍

附方

新四

一切癰疽

及瘡癰用荇絲菜或根馬蹄草莖或子即萇也各取半碗同苧麻根

五寸去皮以石器搗爛傳毒四圍春夏秋日換四五次冬換二三次換時以薺水洗之甚效

保生錄

穀道生瘡

苳葉搗爛綿裹納之下部日三次

毒蛇螫傷

牙入肉中痛不

可堪者勿令人知私以苳葉覆其上穿以物包之一時折牙自出也

肘後方點眼去翳

若絲

菜根一錢半擣爛即葉如馬蹄開黃花者川練子十五箇膽礬七分石決明五錢皂莢一兩海螵蛸二錢各為末同菜根以水一鍾煎二宿去滓一日點數次七日見效也

孫氏集效方

蓴

別錄  
下品

釋名茆

卯柳  
二音

水葵

詩疏

露葵

綱目

馬蹄草

時珍曰蓴字本作葵從純純乃

絲名其莖似之故也齊民要術云葵性純而易生種以淺深為候水深則莖肥而葉少水淺則莖瘦而葉多其性逐水而滑故謂之葵菜并得葵名顏之推家訓云蔡朗父諱葵改葵為露葵北人不知以綠葵為之詩云薄菜其茆即葵也或諱其名謂之錦帶

集解

保昇曰蓴葉似鳧葵浮在水上采莖堪啖花黃白色子紫色三月至八月莖細如釵股黃赤色

短長隨水深淺名為絲蓴味甜體軟九月至十月漸粗硬十一月萌在泥中粗短名瑰蓴味苦體澀人惟取汁作羹猶勝雜菜時珍曰蓴生南方湖澤中惟吳越人善食之葉如苡菜而差圓形似馬蹄其莖紫色

大如筋柔滑可羹夏月開黃花結實青紫色大如棠  
梨中有細子春夏嫩莖未葉者名稚蓴稚者小也葉  
稍舒長者名絲蓴其莖如絲也至秋老則名葵蓴或  
作豬蓴言可飼豬也又訛為瑰蓴龜蓴焉餘見鳧葵  
下

氣味甘寒無毒

藏器曰蓴雖水草而性熱擁說曰蓴雖冷補熱食及多食亦擁氣不下甚

損人胃及齒令人顏色惡損毛髮和醋食令人骨痿  
李廷飛曰多食性滑發痔七月有蟲著上食之令人

霍亂主治消渴熱痺

別錄

和鯽魚作羹食下氣止嘔多食

壓丹石補大小腸虛氣不宜過多

孟詵

治熱疸厚腸胃

安下焦逐水解百藥毒并蠱氣

大明

發明

弘景曰蓴性冷而補下氣雜鱧魚作羹食亦逐水而性滑服食家不可多用恭曰蓴久食大宜

人合鮓魚作羹食主胃弱不下食者至效又宜老人應入上品故張翰臨秋風思吳中之鱸蓴羹也藏器曰蓴體滑常食發氣令關節急嗜睡脚氣論中令人食之此誤極深也溫病後脾弱不能磨化食者多死予所居近湖湖中有蓴藕年中疫甚飢人取蓴食之雖病瘥者亦死至秋大旱人多血痢湖中水竭掘藕食之闔境無他蓴藕之功於斯見矣

附方

新一切癰疽

馬蹄草即蓴菜春夏用莖冬月用子就於根側尋取搗爛傅之未成

即消已成即毒散用菜亦可保生餘錄

頭上惡瘡

以黃泥包豆豉煨熟取出為末以蓴菜油

調傅之保幼大全數種疔瘡

馬蹄草又名缺盆草大青葉臭紫草各等分搗爛以酒一碗浸

之去滓溫服三服  
立愈  
經驗良方

# 水藻

綱目

## 釋名

時珍曰藻乃水草之有文者潔淨如藻浴故謂之藻

## 集解

頌曰藻生水中處處有之周南詩云于以采藻于沼于汙于彼行潦是也陸機註云藻生水底

有二種葉如雞蘇莖如筋長四五尺一種葉如蓬蒿莖如釵股謂之聚藻二藻皆可食熟按去腥氣米麴糵蒸為茹甚滑美荆揚人飢荒以當穀食藏器曰馬藻生水中如馬齒相連時珍曰藻有二種水中甚多水藻葉長二三寸兩兩對生即馬藻也聚藻葉細如絲及魚鰓狀節節連生即水蘊也俗名鰓草又名牛尾蘊是矣爾雅云蒼牛藻也郭璞注云細葉蓬茸如絲可愛一節長數寸長者二三十節即蘊也二藻皆

可食入藥以馬藻為勝左  
傳云蘋蘩藟藻之菜即此

氣味甘大寒滑無毒主治去暴熱熱痢止渴擣汁服

之小兒赤白遊癰火焮熱瘡擣爛封之

藏器

發明

思邈曰凡天下極冷無過藻菜但有患熱毒腫并丹毒者取渠中藻菜切擣傳之厚三分乾即

易其效無比

海藻

本經中品

釋名藻

音單出爾雅別錄作藻

落首

本經海蘿爾雅註

集解

別錄曰海藻生東海池澤七月七日采暴乾弘景曰生海島上黑色如亂髮而大小許葉大都

似藻葉藏器曰此有二種馬尾藻生淺水中如短馬尾細黑色用之當浸去鹹味大葉藻生深海中新羅國葉如水藻而大海人以繩繫腰沒水取之五月以後有大魚傷人不可取也爾雅云綸似綸組似組東海有之正為二藻也頌曰此即水藻生於海中者今登萊諸州有之陶隱居引爾雅綸組註昆布謂昆布似組青苔紫菜似綸而陳藏器以綸組為二藻陶說似近之時珍曰海藻近海諸地采取亦作海藻乃立名目貨之四方云

**修治**

數曰凡使須用生烏豆并紫背天葵三件同蒸伏時日乾用時珍曰近人但洗淨鹹味焙乾用

**氣味苦鹹寒無毒**

權曰鹹有小毒之才曰反甘草時珍曰按東垣李氏治癰瘰馬刀散

腫潰堅湯海藻甘草兩用之蓋以堅積之病非平和之藥所能取捷必令反奪以成其功也

主治癭瘤結氣散頸下硬核痛癰腫癥瘕堅氣腹中上下

雷鳴下十二水腫

本經

療皮間積聚暴瘡瘤氣結熱利

小便

別錄

辟百邪鬼魅治氣急心下滿疝氣下墜疼痛

卵腫去腹中幽幽作聲

甄權

治奔豚氣脚氣水氣浮痛

宿食不消五膈痰壅

李珣

發明

元素曰海藻氣味俱厚純陰沉也治癭瘤馬刀諸瘡堅而不潰者經云鹹能軟堅營氣不從外

為浮腫隨各引經藥治之腫無不消成無已曰鹹味涌泄故海藻之鹹以泄水氣也洗曰海藻起男子陰消男子瘡疾宜常食之南方人多食北方人效之倍生諸疾更不宜矣時珍曰海藻鹹能潤下寒能洩熱

引水故能消癭瘤結核陰癰之堅聚而除浮腫  
脚氣留飲痰氣之濕熱使邪氣自小便出也

### 附方

舊二  
新三

### 海藻酒

治癭氣用海藻一斤絹袋盛之以清酒二升浸之春夏二日秋冬三

日每服兩合日三酒盡再作其滓曝乾為末每服方寸匕日三服不過兩劑即瘥

范汪方

瘥氣

### 初起

海藻一兩黃連二兩為末時時紙嚙先斷一切厚味

丹溪方

### 項下瘰癧

如梅李狀

宜連服前方海藻酒消之

### 蛇盤瘰癧

頭項交接者海藻菜以蕎麵炒過白殭蚕炒等

分為末以白梅泡湯和丸梧子大每服六十九米飲下必泄出毒氣危氏得效方

### 海藻

溫 醞三  
音 拾遺

### 校正

自草部移入此

### 釋名

時珍曰縕亂絲也其葉似之故名

氣味鹹寒無毒主治癭瘤結氣在喉間下水

藏器

主水

廕

蘇頌

海帶

宋嘉祐

集解

禹錫曰海帶出東海水中石上似海藻而粗柔

水勝於海

藻昆布

氣味鹹寒無毒主治催生治婦人病及療風下水

嘉祐

治水病癭瘤功同海藻

時珍

昆布

別錄中品

釋名綸布

時珍曰按吳普本草綸布一名昆布則爾雅所謂綸似綸東海有之者即昆布也綸

音闌青絲綬也訛而為昆耳陶弘景以綸為青苔紫菜輩謂組為昆布陳藏器又謂綸組是二種藻不同

此如

集解

別錄曰昆布生東海弘景曰今惟出高麗繩把索之如卷麻作黃黑色柔勒可食爾雅云綸似

綸組似組東海有之今青苔紫菜皆似綸而昆布亦似組恐即是也藏器昆布生南海葉如手大似蓴葦紫赤色其細葉者海藻也珣曰其草順流而生出新羅者葉細黃黑色胡人搓之為索陰乾從舶上來中國時珍曰昆布生登萊者搓如繩索之狀出閩浙者大葉似菜蓋海中諸菜性味相近主療一致雖稍有不同亦無大異也

修治

穀曰凡使昆布每一斤用甑簞大小十箇同剉細以東流水煮之從已至亥待鹹味去乃晒焙

用

氣味鹹寒滑無毒

普曰酸鹹寒無毒權曰溫有小毒

主治十二種水

腫癭瘤聚結氣癭瘡

別錄

破積聚

思邈

治陰癰腫含之嚙

汁

藏器

利水道去面腫治惡瘡鼠瘻

甄權

發明

杲曰鹹能軟堅故癭堅如石者非此不除與海藻同功說曰昆布下氣久服瘦人無此疾者不

可食海島之人愛食之為無好菜只食此物服久相習病亦不生遂傳說其功於北人北人食之皆生病是水土不宜耳凡是海中菜皆損人不可多食

附方

舊四

昆布臞

治膀胱結氣急宜下氣用高麗昆布一斤白米泔浸一宿洗去鹹味以水

一斛煮熟劈細入葱白一握寸斷之更煮極爛乃下鹽酢糝蘆橘椒末調和食之仍宜食梁米粳米飯極

能下氣無所忌海藻亦可依此法作之廣濟方

瘰癧氣結核

一兩洗去鹹晒乾

為散每以一錢綿裹好醋中浸過含之嚥汁味盡再易之聖惠方

項下五瘰

方同上

項

下卒腫

其囊漸大欲成癭者昆布海藻等分為末蜜丸杏核大時時含之嚥汁外臺

越王餘算

海藥

釋名集解

珣曰越王餘算生南海水中如竹算子長尺許劉敬叔異苑云昔晉安越王渡南海

將黑角白骨作算籌其有餘者棄於水中而生此故葉白者似骨黑者似角遂名之相傳可食

附錄沙箸

時珍曰按劉恂嶺表錄有沙箸似是餘算之類今附於此云海岸沙中生沙箸春吐

苗其心若骨白而且勁可為酒籌凡欲采者須輕步向前拔之不然聞行聲遽縮入沙中不可得也

氣味鹹溫無毒主治水腫浮氣結聚宿滯不消腹中

虛鳴竝煮服之

李珣

石帆

日華

集解

弘景曰石帆狀如栢水松狀如松藏器曰石帆生海底高尺餘根如漆色至稍上漸軟作交羅

紋大

明曰石帆紫色梗大者如筋見風漸硬色如漆

人以

飾作珊瑚裝頌曰左思吳都賦草則石帆水松

劉淵

林註云石帆生海嶼石上草類也無葉高尺許

其花

離樓相貫連若死則浮水中人於海邊得之稀

有見其  
生者

氣味甘鹹平無毒主治石淋弘景煮汁服主婦人血結

月閉藏器

水松綱目

集解弘景曰水松狀如松頌曰  
出南海及交趾生海水中

氣味甘鹹寒無毒主治溪毒弘景水腫催生藏器

本草綱目卷十九

欽定四庫全書

本草綱目卷二十目錄

草之九

石草類十九種  
內附八種

石斛  
本經

骨碎補  
開寶

石韋  
本經

金星草  
嘉祐

石長生  
本經 紅

茂草附

石莧

圖經  
石垂附

景天

本經

佛甲草

圖經

虎耳草

綱目

石胡荽

四聲

螺麝草

拾遺  
即鏡面草

酢漿草

唐本  
酸草三葉附

地錦

嘉祐  
即血見愁  
金瘡小草附

離鬲草 拾遺

仙人掌 拾遺

仙人掌草 圖經

崖櫟 圖經 雞翁藤  
半天回野蘭附

紫背金盤 圖經

白龍鬚 綱目

右附方舊十新四十七

本草綱目卷二十目錄

欽定四庫全書

本草綱目卷二十

明 李時珍 撰

草之九

石草類一十九種  
內附八種

石斛

本經上品

釋名石遂

別錄金釵目

網禁生經

林蘭

同杜蘭

別錄時珍曰石斛石

義未詳其莖狀如金釵之股故古有金釵石斛之稱  
今蜀人栽之呼為金釵花盛引之荊州記云來陽龍  
石山多石斛精好如金釵是矣林  
蘭杜蘭與木部木蘭同名恐誤

集解

別錄曰石斛生六安山谷水旁石上七月八月

實以桑灰沃之色如金形如蚱蜢斛者佳近道亦有次於宣城者其生櫟木上者名木斛其莖至虛長大而色淺不入丸散惟可為酒漬煮之用俗方最以補虛療脚膝蒸曰今荆襄及漢中江左又有二種一種似大麥累累相連頭生一葉而性冷名麥斛一種莖大如雀髀葉在莖頭名雀髀斛其他斛如竹而節間生葉也作乾石斛法以酒洗蒸暴成不用灰湯或言生者漬酒勝于乾者頌曰今荊州光州壽州廬州江州温州台州亦有之以廣南者為佳多在山谷中五月生苗莖似小竹節節間出碎葉七月開花十月結實其根細長黃色惟生石上者為勝宗奭曰石斛細若小草長三四寸柔韌折之如肉而實今人多以木斛混之亦不能明木斛中虛如木長尺餘但色深黃光澤耳時珍曰石斛叢生石上其根糾結甚繁乾則

白軟其莖葉生皆青色乾則黃色開紅花節上自生根鬚人亦折下以砂石栽之或以物盛挂屋下頻澆以水經年不死俗稱為千年潤石斛短而中實木斛長而中虛甚易分別處處有之以蜀中為勝

修治

數曰凡使去根頭用酒浸一宿暴乾以酥拌蒸之從已至酉徐徐焙乾用入補藥乃效

氣味甘平無毒

普曰神農甘平扁鵲酸李當之寒時珍曰甘淡微鹹之才曰陸英為之使

惡凝水石巴豆畏雷丸僵蠶

主治傷中除痺下氣補五臟虛勞羸

瘦強陰益精久服厚腸胃

本經補內絕不足平胃氣長

肌肉逐皮膚邪熱痹氣脚膝疼冷痺弱定志除驚輕

身延年

別錄益氣除熱治男子腰脚軟弱健陽逐皮肌

風痺骨中久冷補腎益力權壯筋骨煖水臟益智清

氣華治發熱自汗癰疽排膿內塞時珍

發明

數曰石斛鎮涎澀丈夫元氣酒浸酥蒸服滿一鎰永不骨痛也宗奭曰石斛治胃中虛熱有功

時珍曰石斛氣平味甘淡微鹹陰中之陽降也乃足太陰脾足少陰右腎之藥深師云囊濕精少小便餘澀者宜加之一法每以二錢入生薑一片水煎代茶飲甚清肺補脾也

附方新二新睫毛倒入

水川石斛川芎窮等分為末口內含水隨左右嚥鼻日二次袖珍方

飛蟲入耳

石斛數條去根如筒子一邊紆入耳中四畔以蠟封閉用火燒石斛盡則止熏右耳

則虫從左出未出更作

聖濟

骨碎補

宋開寶

釋名猴薑

拾遺

胡獼薑

志

石毛薑

華石

菴蔕

藏器

曰骨碎補本名

猴薑開元皇帝以其主傷折補骨碎故命此名或作骨碎布訛矣江西人呼為胡獼薑象形也時珍曰菴蔕主折傷破血此物功同故有菴蔕之名

集解

志曰

骨碎補生

江南

根寄樹石上有毛葉如菴

蔕

藏器曰

嶺南

虔吉州亦有之葉似石韋而一

根餘葉生於木大明曰是樹上寄生草根似薑而細

長頌曰今淮浙陝西夔路州郡皆有之生木或石上

多在背陰處引根成條上有黃赤毛及短葉附之又抽大葉成枝葉面青綠色有青黃點背青白色有赤紫點春生葉至冬乾黃無花實采根入藥宗奭曰此苗不似薑亦不似菴蔕每一大葉兩旁小葉叉牙兩

兩相對葉長有尖瓣也時珍曰其根扁長畧似薑形其葉有極缺頗似貫衆葉謂葉如菴蘭者殊謬如石韋者亦差

根修治

數曰凡采得用銅刀刮去黃赤毛細切蜜拌潤甑蒸一日曬乾用急用只焙乾不蒸亦得

也

氣味苦溫無毒

大明曰平

主治破血止血補傷折開寶主骨

中毒氣風血疼痛五勞六極足手不收上熱下冷權

惡疾蝕爛肉殺蟲

大明

研末豬腎夾煨空心食治耳鳴

及腎虛久泄牙疼

時珍

發明

頌曰骨碎補入婦人血氣藥蜀人治閃折筋骨傷損取根搗篩煮黃米粥和裹傷處有效時珍

曰骨碎補足少陰藥也故能入骨治牙及久泄痢肯有魏刺史子久泄諸醫不效垂殆予用此藥末入猪腎中煨熟與食頻住蓋腎主大小便久泄屬腎虛不可專從脾胃也雷公炮炙論用此方治耳鳴耳亦腎之竅也案戴原禮症治要訣云痢后下虛不善調養或遠行或房勞或外感致兩足痿軟或痺遂成痢風宜用獨活寄生湯加虎骨四斤九仍以骨碎補三分之一同研取汁酒解服之外用杜牛膝杉木節草薢白芷南星煎湯頻頻熏洗此亦從腎虛骨痿而治也

附方

新舊

三虛氣攻牙

齒痛血出或痒痛骨碎補二兩銅刀細剉瓦鍋慢火炒黑為末

如常揩齒良久吐之燕下亦可劉松石云此法出靈苑方不獨治牙痛極能堅骨固牙益精髓去骨中毒

氣疼痛牙動將落者數擦風蟲牙痛骨碎補乳香等  
立住再不復動經用有神

孔中名金針丸耳鳴耳閉骨碎補削作細條火炮病  
聖濟總錄

後髮落嫩枝煎汁刷之腸風失血錢酒或米飲服  
胡孫薑野薔薇  
胡孫薑燒存性五

仁存方

石韋  
本經中品

釋名石韠音石皮別錄石蘭弘景曰蔓延石上生葉如  
皮故名石韋時珍曰柔皮

曰韋韠  
亦皮也

集解別錄曰石韋生華陰山谷石上不聞水聲及人  
聲者良二月采葉陰乾弘景曰處處有之出建

平者葉長大而厚恭曰此物叢生石旁陰處亦不作蔓其生古瓦屋上者名瓦韋療淋亦好頌曰今晉絳潞海福州江寧皆有之叢生石上葉如柳背有毛而斑點如皮福州別有一種石皮三月有花采作浴湯治風時珍曰多生陰崖險罅處其葉長者近尺濶寸餘柔靱如皮背有黃毛亦有金星者名金星草莖凌冬不凋又一種如杏葉者亦生石上其性相同

修治

別錄曰凡用去黃毛射人肺令人欬不可療大明曰入藥去梗須微炙用一法以羊脂炒乾用

氣味苦平無毒

別錄曰甘權曰微寒之才曰滑石杏仁射干為之使得菖蒲良制丹砂礬

石

主治勞熱邪氣五癰閉不通利小便水道經本止煩下

氣通膀胱滿補五勞安五臟去惡風益精氣

別治淋

瀝遺溺日華炒末冷酒調服治發背頌主崩漏金瘡清

肺氣

時珍

附方

新

小便淋痛

石韋滑石等分為末每飲服刀圭最駛

聖濟

小便轉脬

石韋去毛車前子各二錢半水二盞煎一盞食前服

指迷方

崩中漏下

石韋為末每服三錢

溫酒服

便前有血

石皮為末茄子枝煎湯下二錢

普濟方

氣熱欬喇石

栴柳等分

為末薑湯服二錢

聖濟錄

金星草

宋嘉祐

釋名金釧草圖經鳳尾草綱目七星草時珍曰即石韋之

出七星  
草併入

集解

禹錫曰金星草西南州郡多有之以戎州者為上喜生背陰石上淨處及竹簣中少日色處或

生大木下及背陰古瓦屋上初出深綠色葉長一二尺至深冬背生黃星點子兩兩相對色如金因得金星之名無花實凌冬不凋其根盤屈如竹根而細折之有筋如豬馬駿五月初和根采之風乾用頌曰七星草生江州山谷石上葉如柳而長作蔓延長二三尺其葉堅硬背上有黃點如七星采無時

氣味苦寒無毒

頌曰微酸崔昉曰制三黃砂永礬石

主治發背癰瘡結核解硫黃丹石毒連根半斤酒五

升銀器煎服先服石藥悉下亦可作末冷水服方寸

匕塗瘡腫殊効根浸油塗頭大生毛髮嘉祐烏髭髮頌

解熱通五淋涼血

時珍

發明

頌曰但是瘡毒皆可服之然性至冷服后下利須補治乃平復老年不可輒服宗奭曰丹石毒

發于背及一切癰腫以其根葉二錢半酒一大盞煎服取下黑汁不惟下所服石藥兼毒去瘡愈也如不飲酒則為末以新汲水服以知為度時珍曰此藥大抵治金石發毒者若憂鬱氣血凝滯而發毒者非所宜也

附方

舊一五毒發背金星草合根淨洗燉火焙乾每四兩入生甘草一錢擣末分作

四服每服用酒一升煎二三沸更以溫酒三二升相和入鉶器內封固時時飲之忌生冷油肥毒物經

驗熱毒下血金星草陳乾薑各三兩為末每脚膝爛方服一錢新汲水下本方

瘡金星草背上星刮下傳之即乾 集簡方

石長生本經下品

釋名丹草經本丹沙草時珍曰四時不凋故曰長生

集解別錄曰石長生生咸陽山谷弘景曰俗中時有采者方藥不復用近道亦有是細細草葉花紫

色南中多生石巖下葉似蕨而細如龍鬚黑如光漆高尺餘不與餘草穢也恭曰苗高尺許五六月采莖葉用今市人用露筋草為之葉似青箱莖細勁紫色今太常用者是也時珍曰宋祁益部方物記長生草

生山陰蕨地修莖茸葉  
色似檜而澤經冬不凋

氣味鹹微寒有毒

普曰神農苦雷公辛桐  
君甘權曰酸有小毒

主治寒熱

惡瘡大熱辟鬼氣不祥

經本

下三蟲

別錄治疥癬逐諸風

治百邪魅

權

附錄紅茂草

圖經頌曰味苦大涼無毒主瘰疽瘡腫  
焙研為末冷水調貼一名地沒藥一名

長生草生施州四季枝葉繁故有長生之名春采根  
葉時珍曰案庚辛玉冊云通泉草一名長生草多生  
古道丘壑荒蕪之地葉似地丁中心抽一莖開黃白  
花如雪又似麥飯摘下經年不槁根入地至泉故名  
通泉俗呼禿瘡花此草有長生之名不知  
與石長生及紅茂草亦一類否故並附之

石莧

宋圖經

集解

頌曰生筠州多附河岸沙石上春生苗莖青高一尺以來葉如水柳而短八九月土人采之

氣味辛苦有小毒主治同甘草煎服主勦穀又吐風

涎

頌

附錄石垂

頌曰生福州山中三月花四月采子生擣為末丸服治蟲毒

景天

本經上品

釋名慎火

本經 戒火

同

救火

別錄 據火

同

護火

綱目 辟火

同

火母

別錄弘景曰衆藥之名景天為麗人皆益盛養于屋上云可辟火故曰慎火方用亦希

集解

別錄曰景天生太山川谷四月四日七月七日  
采陰乾頌曰今南北皆有之人家種于中庭或

盆置屋上春生苗葉似馬齒莧而大作層而上莖極  
脆弱夏中開紅紫碎花秋後枯死亦有宿根者苗葉  
花並可用宗奭曰極易種折枝置土中澆溉旬日便  
生也時珍曰景天人多栽于石山上二月生苗脆莖  
微帶赤黃色高一二尺折之有汁葉淡綠色光澤柔  
厚狀似長匙頭及胡豆葉而不尖夏開小白花結實  
如連翹而小中有黑子如粟粒  
其葉味微甘苦煉熟水淘可食

正誤

弘景曰廣州城外有一樹大三四圍名慎火樹  
志曰嶺表人言並無此說蓋錄書者纂入謬言

非陶氏  
語也

氣味苦平無毒

別錄曰酸大明曰寒  
有小毒可煨硃砂

主治大熱火瘡身熱煩邪惡氣經本諸蟲毒痂疔寒熱

風痺諸不足鋤療金瘡止血煎水浴小兒去煩執驚

氣引風疹惡痒小兒丹毒及發熱權熱狂赤眼頭痛

寒熱遊風女人帶下日華

花主治女人漏下赤白輕身明目經本

附方舊五驚風煩熱慎大草煎水浴小兒中風汗出

新二一日頭頂腰熱二日手足不屈用慎大草乾者半兩

麻黃丹參白朮二錢半為末每服半錢漿水調服三

四歲服一錢聖濟錄嬰孺風疹在皮膚不出及瘡毒取慎火

研絞汁以熱手摩塗  
**熱毒丹瘡** 千金用慎火草搗汁  
日再上之 圖經 拭之日夜拭一二十

徧一方入苦酒搗泥塗之 楊氏產乳治烟火丹毒  
從兩股兩脇起赤如火景天草真珠末一兩搗如泥

塗之乾  
**漆瘡作痒** 接慎火草塗  
則易 之外臺 **眼生花翳** 濕痛難開  
景天搗汁

日點三五  
次 聖惠 產後陰脫 慎大草一斤陰乾酒五升煮  
汁一升分四服 子母秘錄

**佛甲草** 宋圖經

**集解**

頌曰佛甲草生筠州多附石向陽而生似馬齒莧  
而細且長有花黃色不結實四季皆有時珍曰

二月生苗成叢高四五寸脆莖細葉柔澤如馬齒莧  
尖長而小夏開黃花經霜則枯人多栽于石山瓦墻  
上呼為佛指甲救荒本草言高一  
二尺葉甚大者乃景天非此也

氣味甘寒微毒主治湯火灼瘡研貼之

頌

虎耳草

綱目

釋名石荷葉

見下

集解

時珍曰虎耳生陰濕處人亦栽于石山上莖高五六寸有細毛一莖一葉如荷蓋狀人呼為石

荷葉葉大如錢狀似初生小葵葉及虎之耳形夏開小花淡紅色

氣味微苦辛寒有小毒

獨孤酒曰汁煮砂子

主治瘟疫播酒服生用吐利人熟用則止吐利又治

聾耳擣汁滴之痔瘡腫痛者陰乾燒烟桶中熏之

時珍

石胡荽

四聲本草

校正

自茺部移入此

釋名天胡荽

綱目

野園荽

同

鶯不食草

性食

雞腸草

詳見下名

集解

時珍曰

石胡荽生石縫及陰濕處小草也高二寸冬月生苗細莖小葉形狀宛如嫩胡荽其

氣辛薰不堪食鶯亦不食之夏開細花黃色結細子極易繁衍僻地則鋪滿也案孫思邈千金方云一種

小草生近水渠中濕處狀類胡荽名天胡荽亦名雞腸草即此草也與繁縷之雞腸名同物異

氣味辛寒無毒

時珍曰辛溫汁制砒石雄黃

主治通鼻氣利九竅吐風痰

炳

去目翳按塞鼻中

膜自落

藏器

療痔病

說

解毒明目散目赤腫雲翳耳聾

頭痛腦酸治痰瘧齁齁鼻塞不通塞鼻瘕自落又散

瘡腫

時珍

發明

時珍曰驚不食草氣溫而升味辛而散陽也能通於天頭與肺皆天也故能上達頭腦而治頂

痛目病通鼻氣而落瘕肉內達肺經而治齁齁痰瘧散瘡腫其除翳之功尤顯神妙人謂陳藏器本草惟務廣博鄙俚之言也若此藥之類表出殊功可謂務博已乎案倪惟德原機啟微集云治目翳嗜鼻碧雲散用驚不食草解毒為君青黛去熱為佐川芎之辛破留除邪為使升透之藥也大抵如開鍋蓋法常欲邪毒不閉令有出路然力小而銳宜常啗以聚其力凡目中諸病皆可用之生按更神玉璽集要詩云赤眼之餘翳忽生草中驚不食為名塞於鼻內頻頻換三日之間復舊明

附方

新

寒痰齁喘

野園菱研汁和酒

集簡方

齁鼻去腎

碧雲散治

目赤腫脹羞明昏暗隱澀疼痛眵淚風痒鼻塞頭痛

腦酸外翳扳睛諸病驚不食草晒乾二錢青黛川芎  
各一錢為細末禽水一口每以米許啗入鼻  
內泪出為度一方去青黛 倪氏啟微集 貼目取

翳

驚不食草擣汁熬膏一兩爐甘石火煨童便淬三  
次三錢上等瓷器末一錢半熊膽二錢硃砂少許

為極細末和作膏貼在翳上一夜取下用黃連  
黃檗煎湯洗淨看如有再貼 孫天仁集効方 塞耳

治翳

詩見

牙疼齁鼻

驚不食草綿裹懷乾為末含水  
發明 一口隨左右齁之亦可按塞

聖一切腫毒

野園菱一把穿山甲燒存性七分當歸  
尾三錢搗爛入酒一盞絞汁服以渣傳

之集

溼毒脛瘡

磚縫中生出野園菱夏月采取晒  
簡方 收為末每以五錢末粉五分桐油

調作膏紙膏周圍縫定以茶洗淨縛上膏藥  
黃水出五六日愈此吳竹卿方也 簡便方 脾寒瘡  
疾石胡荽一把杵汁半盞入酒 痔瘡腫痛石胡荽搗  
上半盞和服甚効 集簡方 貼之同

螺曆草拾遺

釋名鏡面草時珍曰皆象形也

集解藏器曰蔓生石上葉狀似螺曆微帶赤色而光如鏡背有少毛小草也

氣味辛主治癰腫風疹脚氣腫擣爛傳之亦煮湯洗

腫處藏器治小便出血吐血衄血齩齒痛時珍

發明

時珍曰案陳日華經驗方云年二十六忽病小  
便后出鮮血數點而不疼如是一月飲酒則甚

市醫張康以草藥汁一器入少蜜水  
進兩服而愈求其方乃鏡面草也

附方

新吐血衄血鏡面草水洗搗酒  
朱氏集驗方牙齒蟲痛乾地

用鏡面草不拘多少以水缸下泥同持成膏入香油  
二三點研勻貼於痛處腮上楊氏家藏方用鏡面

草半握入麻油二點鹽半捻按碎左疼塞右耳右疼  
塞左耳以薄泥餅貼耳門閉其氣仍仄卧泥耳一二

時去泥取草放水中有虫浮出久者黑次者褐新  
者白須於午前用之徐克安一乳婢若此不能食用

之出數小兒頭瘡鏡面草日乾為末和輕粉麻  
虫而安油傳之立效楊氏家藏方手指

腫毒

又指惡瘡消毒止痛鏡面蛇纏惡瘡鏡面草入  
草搗爛傳之壽域神方

之鮮鼠莽毒鏡面草自然汁清油各一盃和服即下  
妙毒三五次以肉粥補之不可遲張杲

說醫

酢漿草

唐本草

校正

併入圖經赤孫施

釋名酸漿

圖經

三葉酸

綱目

三角酸

綱目

酸母

綱目

醋母

蘇恭

箕

李當

鳩酸

蘇恭

雀兒酸

綱目

雀林草

綱目

小酸芽

蘇恭

赤孫

施

圖經

時珍曰

此小草

三葉酸

也其味

如醋

與燈籠

草之酸漿

名同物異唐慎微本草以此草之方收

入彼下誤矣閩人鄭樵通志言福人謂之孫施則蘇  
頌圖經赤孫施生福州葉如浮萍者即此也孫施亦

酸箕之訛耳  
今併為一

集解

恭曰酢漿生道旁陰濕處叢生莖頭有三葉葉如細萍四月五月采陰乾保昇曰葉似水萍兩

葉并大葉同枝黃花黑實頌曰南中下濕地及人家園圃中多有之北地亦或有生者初生嫩時小兒喜食之南人用指喻石器令白如銀時珍曰苗高一二十叢生布地極易繁衍一枝三葉一葉兩片至晚自合帖整整如一四月開小黃花結小角長一二分內有細子冬亦不凋方士采制砂汞礪礪石

氣味酸寒無毒主治殺諸小蟲惡瘡癰瘻搗傳之食

之解熱渴

唐本

主小便諸淋赤白帶下同地錢地龍治

砂石淋煎湯洗痔痛脫肛甚效搗塗湯火蛇蠍傷

時珍

赤孫施治婦人血結用一搗洗煖酒服之

蘇頌

附方

新舊一

小便血淋

酸草搗汁煎五苓散服之俗名

王璆百一選方

諸淋赤痛

三葉酸漿草洗研取自然汁一合酒一合和勻空心溫服立通沈存中靈苑方

二便不通

酸草一大把車前草一握搗汗入砂糖赤一錢調服一盞不通再服摘玄方

白帶下

三葉酸草陰乾為末空心痔瘡出血崔林草溫酒服三錢匕千金方

水二升煮

外臺秘要

癬瘡作痒

崔兒草即酸母草次見效

類蛇虺螫傷

醋草搗傅

牙齒腫痛

酸漿草一把洗淨方

目同搗爛絹片裹定如筋大切成豆粒大每以一塊塞痛處即止節齋醫論

附錄酸草

別錄有名未用曰主輕身延年生名山醴泉上陰厓莖有五葉青澤根赤黃可以消

玉一名醜草弘景曰李當之云是今酸三葉別錄有箕草布地生者處處有之然恐非也名未用

曰味辛主寒熱蛇蜂螫人生田中莖小黑白高三尺根黑三月采陰乾一名三石一名當田一名赴魚

地錦

宋嘉祐

校正

併入有名未用別錄地朕

釋名地朕

吳普

地噤

拾遺

夜光

吳普

承夜

吳普

草血竭

綱目

血見

愁血風草

綱目

馬螳草

綱目

雀兒臥單

綱目

醬辦草

玉川

狗

獠頭草

別錄

曰地朕

三月采之藏器曰地朕

一名地

噤蔓

延著地葉光淨露下有光時

珍曰赤莖布地故曰地錦專治血病故俗稱為血竭血見愁馬螳雀兒喜聚之故有馬螳雀單之名醬辦

獠獠頭象

花葉形也

集解

禹錫曰地錦草生近道田野出滁州者尤佳莖葉細弱蔓延于地莖赤葉青紫色夏中茂盛五

六月開紅花結細實取苗子用之絡石註有地錦是藤蔓之類與此同名異物時珍曰田野寺院及階砌

間皆有之小草也就地而生赤莖黃花黑實狀如蒺藜之朵斷莖有汗方士秋月采煮雌雄丹砂硫黃

氣味辛平無毒

別錄曰地朕苦平無毒

主治地朕主心氣女子

陰疝血結

別錄

地錦通流血脉亦可治氣

嘉祐

主癰腫惡

瘡金刀撲損出血血痢下血崩中能散血止血利小

便

時珍

附方

舊一

新

臟毒赤白

地錦草洗暴乾為末米飲血

服一錢立止

經驗方

血

痢不止

地錦草晒心米飲下

研每服二錢空乾坤生意

大腸瀉血

血見愁少許薑

汁和糯米飲服之戴原禮證治要訣

婦人血崩

草血竭嫩者蒸熟以油鹽薑菴食之飲酒

一二盃送下或陰乾為末薑酒調服

危亦林得效方

小便血淋

血風草井水搗服三度即愈劉長春經驗方

金瘡出血

見愁草

研爛塗之危氏得效方

惡瘡見血

上方同

瘡瘍刺骨

草血竭搗碎本

草權癰腫背瘡

血見愁一兩酸漿草半兩焙當歸二錢半焙乳香沒藥各一錢二分半為

末每服七錢熱酒調下如有生者搗酒熱服以渣傳之亦效血見愁惟雄瘡用之雌瘡不用楊清叟外

科風瘡疥癩

血見愁草同滿江紅草搗末傳之

乾坤秘韞趾間雞眼出血

以血見愁草搗傳脾勞黃疸如聖丸用草血竭羊膽

草五錢為末先以陳醋二盞入鍋下皂礬四兩煎熬

良久下藥末再入白麴不拘多少和成一塊丸如小

豆大每服三五十九空腹醋湯下一日二服數日面色復舊也乾坤秘韞

附錄金瘡小草拾遺藏器曰味甘平無毒主金瘡止

汁服斷血瘀及卒下血又預和石灰杵為丸日乾臨

時刮傳之生江南村落田野間下濕地高一二寸許

如薺而葉短春夏間有淺紫花長一粳米許

# 離鬲草

拾遺

## 集解

藏器曰生人家階庭濕處高三二寸苗葉似幕翬江東有之北土無也

氣味辛寒有小毒主治瘰癧丹毒小兒無辜寒熱大腹痞滿痰飲膈上熱生研汁服一合當吐出宿物去

瘡為上

藏器

仙人草

拾遺

集解

藏器曰生階庭間高二三寸葉細有雁齒似離隔草北地不生

氣味

缺

主治小兒酢瘡頭小而硬者煮湯浴并擣傅

丹毒入腹者必危可飲冷藥及用此洗之又按汁滴

目明目去翳

藏器

仙人掌草

宋經圖

集解

頌曰生合州筠州多于石上貼壁而生如人掌形故以名之葉細而長春生至冬猶有四時采

之

氣味苦瀋寒無毒主治腸痔瀉血與甘草浸酒服

蘇頌

焙末油調摻小兒白禿瘡

時珍

崖樓

宋經圖

集解

頌曰生施州石崖上苗高一尺以來其狀如樓四季有葉無花土人采根去粗皮入藥

氣味甘辛溫無毒主治婦人血氣并五勞七傷以根

同半天回雞翁藤野蘭根四味洗焙為末每服二錢

溫酒下丈夫無所忌婦人忌雞魚溼麵

蘇頌

附錄雞翁藤

頌曰生施州蔓延大木上有葉無花味辛性溫無毒采無時

半天回

頌曰生施州春生苗高二尺以來赤斑色至冬苗枯土人夏月采根味苦濇性溫無毒

野蘭根

頌曰生施州叢生高二尺以來四時有葉無花其根味微苦性溫無毒采無時方並見上

紫背金盤

宋經圖

集解

頌曰生施州苗高一尺以來葉背紫無花土人采根用時珍曰湖湘水石處皆有人名金盤藤

似醋筒草而葉小背微紫軟莖引蔓似黃絲搓之即斷無汁可見方士用以制汞他處少有醋筒草葉

似木芙蓉而偏莖空而脆味酸  
開白花廣人以鹽醋淹食之

氣味辛溫熱無毒主治婦人血氣痛洗焙研末酒服

半錢孕婦勿服能消胎氣忌雞魚羊血溼麪

蘇頌

白龍鬚

綱目

集解

時珍曰劉松石保壽堂方云白龍鬚生近水旁有石處寄生搜風樹節乃樹之餘精也細如櫟

緣直起無枝葉最難得真者一種萬纏草生于白緣樹根細緣相類但有枝莖稍粗為異誤用不效愚案

所云二樹名皆  
隱語無從攷證

氣味缺平無毒主治男子婦人風濕腰腿疼痛左癱

右癱口目喎斜及產後氣血流散脛骨痛頭目昏暗  
腰腿痛不可忍並宜之惟虛勞癱痿不可服研末每  
服一錢氣弱者七分無灰酒下密室隨左右貼牀卧  
待汗出自乾勿多蓋被三日勿下牀見風一方得疾  
淺者用末三錢瓷餅煮酒一壺每日先服桔梗湯少  
頃飲酒二盞早一服晚一服

發明

時珍曰保壽堂方云成化十二年盧元真道士  
六十七歲六月偶得癱瘓服白花蛇丸牙齒盡

落三年扶病入山得此方服百日復舊壽至百歲乃  
卒凡男婦風濕腰腿痛先服小續命湯及滲濕湯后

乃服此凡女人產後腰腿腫痛先服四物湯二服次日服此若癰癰年久痰老氣微者服前藥出汗三日之後則日服龍鬚末一分好酒下隔一日服二日服又隔一日服三分又隔一日服四分又隔一日服五分又隔一日服復從一分起如前法周而復始至月餘其病漸愈謂之升陽降氣調髓蒸骨追風逐邪排血安神忌房事魚鰲雞羊韭蒜蝦蟹及寒冷動風之物又不可過飲酒及麵食只宜米粥蔬菜

# 附方

一新

## 諸風癰瘕

筋骨不收用白龍鬚根皮一兩開羊花即老虎花七分好燒酒三斤

封固煮一炷香埋土中一夜能飲者三盃不能飲者一盃卧時服服至三五盃見效但知痛者可治  
仙皆效方



本草綱目卷二十

欽定四庫全書

子部  
本草綱目卷二

詳校官太醫院吏目臣宋桂

編修臣倉聖脈覆勘

總校官庶吉士臣何思鈞

校對官主事臣陳文樞

謄錄監生臣俞昌言

地衣

日華即  
仰天皮

垣衣

別錄

屋遊

別錄

昨葉何草

唐本即瓦  
松紫衣附

烏韭

本草百  
藥草附

土馬駿

嘉祐

卷柏

本經地栢  
含生草附

玉柏

別錄

欽定四庫全書

本草綱目卷二十一目錄

草之十

苔類十六種

內附五種

陟釐

別錄

乾苔

食療

井中苔

別錄

船底苔

食療

石蕊

拾遺

石松 拾遺

桑花 日華  
父納附

馬勃 別錄

右附方舊三新三十三

草之十一 雜草及有名未用共一百五十

三種

雜草 九種

百草 拾遺

百草花

拾遺

井口邊草

拾遺

樹孔中草

綱目

產死婦人家上草

拾遺

燕蓐草

嘉祐

雞窠草

嘉祐

猪窠草

大明

牛齒草

見獸部  
牛下

神農本草經

二種以下  
俱有名未用

屈草

別羈

名醫別錄

七十  
八種

離婁草

神護草

黃護草

雀醫草

本甘草

益決草

九熟草

允耳

異草

灌草

葩草

萃草

英草

封華

悞華

節華

讓實

羊實

桑莖實

可聚實

蒲陰實

馬顛

馬逢

兔棗

鹿良

雞涅

犀洛

雀梅

燕齒

土齒

金莖

白背

青雌

白辛

赤舉

赤涅

赤赫

黃秫

黃辯

紫給

紫藍

糞藍

巴朱

柴紫

文石

路石

曠石

敗石

石劇

石芸

竹付

秘惡

盧精

唐夷

知杖

河煎

區余

王明

師絲

并苦

索干

良達

戈共

船虹

姑活

白女腸

白扇根

黃白支

父陞根

疥拍腹

五母麻

五色符

救赦人者

常吏之生

載

慶

膠

芥

本草拾遺

一十三種

鵪鶉漿

七仙草

缺

吉祥草

雞腳草

兔肝草

斷罐草

千金鏹

土落草

倚待草

藥王草

筋子根

盧藥

無風獨搖草

海藥本草 一種

宜南草

開寶本草 一種

陀得花

圖經外類 二十種

建水草

百藥祖

催風使

刺虎

石逍遙

黃寮郎

黃花子

百兩金

地茄子

田母草

田麻

芥心草

苦芥子

布里草

茆質汙

胡堇草

小免羣

獨脚仙

撮石合草

露筋草

本草綱目

三十  
八種

九龍草

荔枝草

水銀草

透骨草

蛇痕草

驚項草

蛇魚草

九里香草

白延草

環腸草

劄耳草

銅鼓草

蠶繭草

野芎草

織霞草

牛脂芳

鴨腳青

天仙蓮

雙頭蓮

豬藍子

天芥菜

佛掌花

郭公刺

邊箕柴

碎米柴

羊屎柴

山枇杷柴

三角風

葉下紅

滿江紅

陽山消

石見穿

醉醒草

墓頭回

羊茅

阿兒只

阿息兒

奴哥撒兒



本草綱目卷二十一目錄

欽定四庫全書

本草綱目卷二十一

明 李時珍 撰

草之十

苔類十六種  
內附五種

陟釐

別錄  
中品

釋名側梨

恭

水苔

寶開

石髮

同石衣

廣雅

水衣

說文

水綿

綱目

藻

音覃恭曰藻對云河中側梨側梨陟釐聲相近也  
王子年拾遺記晉武帝賜張華側理紙乃水苔為

之後人說陟釐為側理耳此乃水中粗苔作紙青綠  
色名苔紙青濤范東陽方云水中石上生者如毛綠

色石髮之名以此時珍曰郭璞曰薄水草也一名石髮江東食之案石髮有二生水中者為陟釐生陸地者為烏韭

集解

別錄曰陟釐生江南池澤弘景曰此即南人用作紙者惟合斷下藥用之志曰此即石髮也色

類苔而粗澀為異水苔性冷浮水中陟釐性溫生水石上宗奭曰陟釐今人乾之治為苔脯堪啗青苔亦可作脯食皆利人汴京市中甚多頌曰石髮乾之作菜以羹臠啗之尤美苔之類有井中苔垣衣昔邪屋遊大抵主療畧同陸龜蒙苔賦云高有瓦苔界有澤葵散巖竇者曰石髮補空田者曰垣衣在屋曰昔邪在藥曰陟釐是矣澤葵鳧葵也雖異類而皆感瓦石之氣而生故推類而云耳時珍曰陟釐有水中石上生者蒙茸如髮有水污無石而自生者纏牽如絲綿之狀俗名水綿其性味皆同述異記言苔錢謂之

澤葵與鳧葵同名異物蘇氏指為鳧葵者誤矣苔賦  
所述猶未詳盡蓋苔衣之類有五在水曰陟釐在石  
曰石濡在瓦曰屋遊在牆曰垣衣在地曰地衣其蒙  
翠而長數寸者亦有五在石曰烏韭在屋曰瓦松在  
牆曰土馬駿在山曰  
卷柏在水曰薄也

氣味甘大溫無毒

主治心腹大寒溫中消穀強胃氣止洩痢

別錄擣汁服

治天行病心悶

日華

作脯食止渴疾禁食鹽

宗真擣塗丹

毒赤遊

時珍

乾苔

食療

集解

藏器曰乾苔海族之流也時珍曰此海苔也彼人乾之為脯海水鹹故與陟釐不同張華博物

志云石髮生海中者長尺餘大小如韭菜以肉襍蒸食極美張勃吳錄云紅蘿生海水中正青侶亂髮乃

海苔之類也蘇恭以此為水苔者不同水苔不甚鹹

氣味鹹寒無毒

大明曰溫弘景曰柔苔寒乾苔熱說曰苔脯食多發瘡疥令人痿黃少血

色瑞曰有咳嗽人不可食

主治癭瘤結氣

景弘治痔殺蟲及霍亂嘔

吐不止煮汁服

孟說

心腹煩悶者冷水研如泥飲之即

止藏下一切丹石諸藥毒納木孔中殺蠹

日華消茶積

華消茶積

瑞燒末吹鼻止衄血湯浸擣傅手背腫痛

時珍

發明時珍曰洪氏夷堅志云河南一寺僧盡患癰疾有洛陽僧共寮每食取苔脯同餐經數月僧項贅皆消乃知海物皆能除是疾也

井中苔及萍藍

別錄中品

集解

弘景曰廢井中多生苔萍及磚土間多生雜草菜藍既解毒在井中者尤佳非別一物也

氣味甘大寒無毒主治漆瘡熱瘡水腫井中藍殺野

葛巴豆諸毒

別錄療湯火傷灼瘡

弘景

船底苔

食療

氣味甘冷無毒

主治鼻洪吐血淋疾同炙甘草豉汁濃煎湯呷之

孟詵

解天行熱病伏熱頭目不清神志昏塞及諸大毒以

五兩和酥餅末一兩半麴糊丸梧子大每溫酒下五

十九

時珍

發明

時珍曰案方賢奇効方云水之精氣漬船板木中累見風日久則變為青色蓋因太陽晒之中

感陰陽之氣故服之能分陰陽去邪熱調臟腑物之氣味所宜也

附方

舊

二小便五淋

船底苔一團雞子大

乳石發動

小

淋瀝心神悶亂船底青苔半雞子大煎汁溫服日三四次

聖惠方

石蕊

拾遺

校正

併入有名未用別錄石濡

釋名石濡

別錄

石芥

同

雲茶

綱目

蒙頂茶

時珍曰其狀如花蕊其味如茶

故名石芥乃茶字之訛

集解

藏器曰石蕊生太山石上如花蕊為九散服之今時無復有此也王隱晉書唐褒入林慮山食

木實餌石蕊遂得長年即此也又曰石濡生石之陰如屋遊垣衣之類得雨即展故名石濡早春青翠瑞

開四葉山人名石芥時珍曰別錄石濡具其功用不言形狀陳藏器言是屋遊之類復出石蕊一條功用同

石濡蓋不知其即一物也此物惟諸高山石上者為良今人謂之蒙頂茶生兗州蒙山石上乃煙霧熏染

日久結成蓋苔衣類也彼人春初刮取曝乾餽人謂之雲茶其狀白色輕薄如花蕊其氣香如葦其味甘

瀉如茗不可煎飲止宜咀嚼及浸湯啜清涼有味唐  
寢入山餌此以代茗而已長年之道未必盡緣此物  
也

氣味甘溫無毒

時珍曰甘瀉涼

主治石濡明目益精氣令人

不饑渴輕身延年

別錄

石藥主長年不饑藏器生津潤咽

解熱化痰

時珍

地衣草

目華

校正

併入拾遺土部仰天皮

釋名仰天皮

拾遺

掬天皮

綱目

集解

大明曰此乃陰濕地被日晒起苔蘚也藏器曰即濕地土苔衣如草狀者耳

氣味苦冷微毒

藏器曰平無毒

主治卒心痛中惡以人垢膩

為丸服七粒又主馬反花瘡生油調傳

大明目藏器研

末新汲水服之治中暑

時珍

附方新身面丹腫

如蛇狀者以雨滴階上苔痕水花塗蛇頭上即愈危氏得效方

雀目夜昏

七月七日九月九日取地衣草陰乾為末酒服方寸匕日三服一月愈崔知悌方

陰上粟瘡

取停水濕處乾卷皮為末傳之神效外臺秘要

垣衣

別錄中品

釋名垣羸

別錄

天韭

別錄

鼠韭

別錄

昔邪

別錄

集解

別錄曰

垣衣生古垣牆陰或屋上三月三日采

者名昔邪一名烏韭生屋上者名屋遊形並相似為療畧同江南少牆故陶弘景云方不復用俗中少見也時珍曰此乃磚牆城垣上苔衣也生屋瓦上者即為屋遊

氣味酸冷無毒主治黃疸心煩欬逆血氣暴熱在腸胃暴風口噤金瘡內塞酒漬服之久服補中益氣長肌肉好顏色

別錄

擣汁服止血燒灰油和傅湯火傷

時珍

屋遊

別錄下品

釋名瓦衣

綱目

瓦苔

嘉祐

瓦蘚

綱目

博邪

集解

別錄曰屋遊生屋上陰處八月九月采弘景曰此古瓦屋上苔衣也剝取用之時珍曰其長數

寸者即為瓦松也

氣味甘寒無毒主治浮熱在皮膚往來寒熱利小腸

膀胱氣

別錄

止消渴

之才

小兒癰熱時氣煩悶

開寶

煎水入

鹽漱口治熱毒牙齦宣露研末新汲水調服二錢止

鼻衄

時珍

發明

時珍曰別錄主治之證與本經烏韭文相同蓋一類性氣不甚遠遠也

附方

一新

犬咬

舊屋瓦上刮下青苔屑按之即止經驗方

昨葉何草

唐本草

釋名瓦松

唐本

瓦花

綱目

向天草

綱目

赤者名鐵腳婆羅門

草

綱目

天王鐵塔草

時珍曰

其名殊不可解頌曰瓦松如松子作層故名

集解

恭曰昨葉遠望如松

裁何草生上黨屋上如蓬初生高尺餘志曰處處有之生年久瓦屋上六

月七月采苗日乾

氣味酸平無毒

時珍曰

按庚辛玉冊云向天草即瓦松陰草也生屋瓦上及深山石縫中

莖如漆圓銳葉背有白毛有大毒燒灰淋汗沐髮髮即落誤入目令人瞽擣汁能結草砂伏雌雄砂朮白

礬其說與本草無毒及生眉髮之說相反不可不知

主治口中乾痛水穀血痢止血

唐本生眉髮膏為要藥

馬志行女子經絡蘇頌大腸下血燒灰水服一錢又塗諸

瘡不斂

時珍

附方

舊一

小便沙淋

瓦松即瓦上無根草煎濃湯乘熱熏洗小腹約兩時即通經

驗良通經破血

舊屋陰處瓦花活者五兩熬膏當歸鬚乾漆一兩燒煙盡當門子二錢為

末棗肉和丸梧子

大每服七

染烏髭髮

乾瓦松一斤半生麻油二

十丸紅花湯下

斤同煎令焦為末

聖濟錄頭風白屑

瓦松暴乾燒灰淋汁熱洗不過

六七次  
聖惠方

牙齦腫痛

瓦花白礬等  
漱之立效

摘玄方

唇裂生瘡

瓦花生薑入鹽少

許搗塗

湯火灼傷

瓦松生拍葉同搗傳乾  
者為末

醫方摘要

瘡不斂

瓦松陰乾為末先以  
湯洗後糝之立效

槐枝蔥白  
濟生秘覽

惡瘡不斂

同方

上風狗咬傷

瓦松雄黃研貼即  
不發生

附錄紫衣

拾遺藏器曰味苦無毒主黃疸暴熱目黃  
沉重下水廕亦止熱痢瘡服之作灰淋汁

沐頭長髮此古木錦花  
也石瓦皆有之堪染褐

烏韭

本經  
下品

校正

移入有名未  
用別錄鬼臈

釋名石髮

唐本

石衣

華日

石苔

唐本

石花

綱目

石馬駿

綱目

鬼臈

與麗同弘景曰垣衣亦名烏韭而為療異非此種類也時珍曰別錄主療之證與垣衣相同則其為一類通名烏韭亦無害也但石髮與陟釐同名則有水陸之性稍有不同耳

集解

別錄曰烏韭生山谷石上又曰鬼麗生石上按之日乾為末恭曰石苔也又名石髮生巖石之陰不

見日處與卷柏相類藏器曰生大石及木間陰處青翠茸茸者似苔而非苔也大明曰此即石衣也長者可四五寸

氣味甘寒無毒

大明曰冷有毒垣衣為之使

主治皮膚往來寒熱

利小腸膀胱氣

本經

療黃疸金瘡內塞補中益氣

別錄燒

灰沐頭長髮令黑

大明

附方

新腰腳風冷

之花浸酒飲  
聖惠方婦人血崩

石花細茶  
焙為末舊

漆礞燒存性各一匙以盥盛酒放鍋內煮一滾乃入  
藥末露一宿侵晨連藥再煮一滾溫服  
董炳避水

方湯火傷灼

之花焙研傳  
之海上方

附錄百藥草

宋圖經頌曰生河中府秦州劍州根黃  
白色形如瓦松莖葉俱青有如松葉無

花三月生苗四月長及五六寸許四時采根晒用下  
乳汁順血脉調氣甚佳時珍曰烏韭是瓦松之生于  
石上者百藥草是瓦  
松之生于地下者也

土馬駿

宋嘉祐

集解

禹錫曰所在背陰古墻垣上有之歲多雨則茂  
盛或以為垣衣非也垣衣生垣墻之側此生垣

牆之上比垣衣更長故謂之馬駿苔之類也時珍曰垣衣乃磚牆上苔衣此乃土牆上烏韭也

氣味甘酸寒無毒主治骨熱敗煩熱毒壅衄鼻

嘉祐祐沐

髮令長黑通大小便

時珍

附方

新五

九竅出血

之牆頭

苔按塞海上方

鼻衄不止

寸金散用

牆上土馬

驢二錢半石州黃藥子五錢為末新水服二錢再服立止

衛生寶鑑

二便不通

土馬水

淘淨瓦罏過切每服二錢水一盞煎服

耳上濕瘡

土馬驢井中苔等分為末燈盞內油

和塗之聖濟錄

少年髮白

土馬驢石馬驢五倍子半夏各一兩生薑二兩胡桃十箇膽礬

半兩為末搗作一塊每以絹袋盛一彈子用熱酒入少許浸汁洗髮一月神效

聖濟錄

卷柏

本經上品

釋名萬歲

別錄

長生不死草

綱目

豹足

吳普

求股

別錄

交時

別錄

時珍曰卷柏豹足象形也萬歲長生言其耐久也

集解

別錄曰卷柏生常山谷石間五月七月采陰乾弘景曰今出近道叢生石土上細葉似柏屈

藏如雞足青黃色用之去下近沙石處禹錫曰出建康范子計然曰出三輔頌曰今關陝及沂兗諸州亦

有之宿根紫色多鬚春生苗似柏葉而細拳攣如雞足高三五寸無花子多生石上

修治

時珍曰凡用以鹽水煮半日再以井水煮半日晒乾焙用

氣味辛平無毒

別錄曰甘溫普曰神農辛平桐君雷公甘微寒

主治五臟邪

氣女子陰中寒熱痛癥瘕血閉絕子久服輕身和顏

色

經本

止欬逆治脫肛散淋結頭中風眩痿躄強陰益

精令人好容顏

別錄

通月經治尸疰鬼疰腹痛百邪鬼

魅啼泣

甄權

鎮心除面肝頭風暖水臍生用破血灸用

止血

大明

附方

新二

大腸下血

卷柏

側柏

錢酒

下亦

可飯

丸服

仁

末

存性

為末

仁

末

仁

末

仁

存遠年下血

卷柏

地榆

焙等

分每

用一

兩水

一

方

方

方

方

方

方

方

方

方

方

方

附錄地柏

宋圖

經頌

曰主

臟毒

下血

與黃

芪等

分

為

末

末

末

末

末

末

末

末

末

末

蜀中山谷河中府亦有之根黃狀如絲莖細上有黃點子無花葉三月生長四五寸許四月采暴乾用蜀中九月采市多貨之時珍曰含生草拾遺藏器曰生此亦卷柏之生于地上者耳

柏而大性平無毒主婦人難產含之嚙汁即生

玉柏

別錄有名未用

釋名玉遂

別錄藏器曰舊作玉伯乃傳寫之誤

集解

別錄曰生石上如松高五六寸紫花用莖葉時珍曰此即石松之小者也人皆采置盆中養數

年不死呼為千年柏萬年松

氣味酸溫無毒主治輕身益氣止渴

別錄

石松

拾遺

集解

藏器曰生天台山石上似松高一二尺山人取根莖用時珍曰此即玉柏之長者也名山皆有

之

氣味苦辛溫無毒主治久患風痺腳膝疼冷皮膚不

仁氣力衰弱久服去風血風瘙好顏色變白不老浸

酒飲良

藏器

桑花

日華

釋名桑蘚

綱目

桑錢

集解

大明曰生桑樹上白蘚如地錢花樣刀刮取炒用不是桑椹花也

氣味苦暖無毒主治健脾胃瀉腸止鼻洪吐血腸風崩

中帶下

大治熱欬

時珍

附方

一新

大便後血

桑樹上白蘚花水煎服或末服亦止吐血聖惠方

附錄艾納

時珍曰艾納生老松樹上綠苔衣也一名松衣和合諸香燒之烟清而聚不散別有

艾納香與此不同又嶺南海島中檳榔木上有苔如松之艾納單蕪極臭用合泥香則能發香如甲香也

霏雪錄云金華山中多樹衣僧家以為蔬味極美

馬勃

別錄下品

釋名馬疔

音

馬竈

竈音

灰菰

綱目

牛屎菰

集解

別錄

曰馬勃生園中久腐處弘景曰俗呼馬竈

生濕地及腐木上夏秋采之有大如斗者小亦如升杓韓退之所謂牛溲馬勃俱收並蓄者是

修治

時珍曰凡用以生布張開將馬勃于上摩擦下以盤承取末用

氣味辛平無毒主治馬瘡馬疥

別錄傳諸瘡甚良

膜以蜜拌揉少以水調呷治喉痺咽疼

宗

清肺散血

熱解毒

時珍

發明

時珍曰馬勃輕虛上焦肺經藥也故能清肺熱

喉不利普濟消  
毒飲亦用之

附方

新

咽喉腫痛

燒末綿裹一錢含嚥立瘥  
聖惠

方走馬喉痺

馬屁勃即反蒜焰消一兩為末  
聲失

吹馬牙消等分研末沙糖

不出

馬竄勃馬牙消等分研末沙糖

久嗽不止

馬勃

蜜丸梧子大每服二十九  
白湯下即愈

普濟方魚骨哽咽

馬勃末蜜丸彈子大嚥嚥聖濟錄

積熱吐血

馬屁勃為末沙糖丸如彈子大  
每服半丸冷水化下

袖珍方妊娠吐血

不止馬勃末濃米飲

斑瘡入眼

馬屁勃蛇皮各五錢

服半錢聖惠方

入罐內鹽泥固濟燒存性研每

賺瘡不斂淨拭乾以

溫酒服一錢

閻孝忠集效方

賺瘡不斂淨拭乾以

馬屁勃末傳之即  
愈 仇遠稗史

### 草之十一

雜草及有名未用  
共一百五十三種

時珍曰諸草尾瑣或無從考證不可附屬并本經  
及別錄有名未用諸草難遺者通彙於此以備考

### 雜草

九種

### 百草

拾遺藏器曰五月五日采一百種草陰乾燒灰  
和石灰為團煨研傳金瘡止血亦傳犬咬又燒

灰和井華水作團煨白以醃醋和作餅腋下夾之乾即  
易當抽一身盡痛悶瘡出即止以小便洗之不過三度  
愈時珍曰按千金方治洞注下痢以五月五日百草  
灰吹入下部又治療癰已破五月五日采一切雜草  
煮汁洗之

百草花

拾遺藏器曰主治百病長生神仙亦煮汁釀酒服按異類云鳳剛者漁陽人常采百花水

漬泥封埋百日煎為丸卒死者納口中即活也剛服藥百餘歲入地肺山

井口邊草

拾遺藏器曰小兒夜啼私著席下勿令母知思邈曰五月五日取井中倒生草燒研

水服勿令知即惡酒不飲或飲亦不醉也

樹孔中草

綱目時珍曰主小兒腹痛夜啼暗著戶上即止出聖惠方

產死婦人塚上草

拾遺藏器曰小兒醋瘡取之勿回顧作湯浴之不過三度瘡

燕蓐草

宋嘉祐藏器曰即燕窠中草也無毒主眠中遺尿燒黑研末水進方寸匕亦止噦哕時珍

曰千金方治丈夫婦人無故尿血用胡燕窠中草燒末酒服半錢匕聖惠方消渴飲水燕窠中草燒灰一

兩牡蠣煨二兩白羊肺一具切晒研末每新汲水三錢又一切瘡痕不滅用燕蓐草燒灰鷹屎白等分人乳和塗日三五次又浸淫瘡出黃水燒灰傳之

雞窠草

宋嘉祐大明曰小兒夜啼安席下勿令母知藏器曰小兒白禿瘡和白頭翁花燒灰臘月

猪脂和傳之以醋泔洗淨時珍曰千金方治產後遺尿燒末酒服一錢又不自秘方治天絲入目燒灰淋之

猪窠草

大明曰小兒夜啼密安席下勿令母知

牛齒草

見獸部牛下

神農本草經

二種以下俱有名未用

屈草

本經曰味苦微寒無毒主胸脇下痛邪氣腸間寒熱陰痺久服輕身益氣耐老別錄曰生漢中

川澤五月采

別羈

本經曰味苦微溫無毒主風寒濕痺身重四肢疼酸寒歷節痛別錄曰一名別枝生藍田川谷

二月八月采弘景曰方家時有用處今亦絕矣

名醫別錄 七十八種

離樓草

別錄曰味鹹平無毒主益氣力多子輕身長年生常山七月八月采實

神護草

別錄曰生常山北八月采可使獨守叱咄人寇盜不敢入門時珍曰物類志謂之護門草

一名靈草彼人以置門上人衣過草必叱之王筠詩云霜被守宮槐風驚護門草即此也而不著其形狀

惜哉

黃護草

別錄曰無毒主痺益氣令人嗜食生隴西

雀醫草

別錄曰味苦無毒主輕身益氣洗爛瘡療風水一名白氣春生秋花白冬實黑

木甘草

別錄曰主療癰腫盛熱煮洗之生木間三月生大葉如蛇狀四四相值但折枝種之便生

五月花白實核赤三月三日采之

益決草

別錄曰味辛溫無毒主欬肺傷生山陰根如細辛

九熟草

別錄曰味甘溫無毒主出汗止洩療悶一名鳥栗一名雀栗生人家庭中葉如棗一歲九

熟七月采

允草

別錄曰味酸平無毒主輕身益氣  
長年冬生蔓草木上葉黃有毛

異草

別錄曰味甘無毒主痿痺寒熱去黑  
子生籬木上葉如葵莖旁有角汁白

灌草

別錄曰一名鼠肝  
葉滑清白主癰腫

葩草

別錄曰味辛無毒主  
傷金瘡 葩音起

莘草

別錄曰味甘無毒主盛傷痺  
腫生山澤如蒲黃葉如芥

英草

別錄曰味辛平無毒主痺氣強陰療女勞疸  
解煩堅筋骨療風頭可作沫藥生蔓木上一

名鹿英九  
月采陰乾

封華

別錄曰味甘有毒主疥瘡  
養肌去惡肉夏至日采

煥華

音腴別錄曰味甘無毒  
主上氣解煩堅筋骨

節華

別錄曰味苦無毒主傷中痿痺浮腫皮主脾中  
客熱氣一名山節一名達節一名通漆十月采

暴乾

讓實

別錄曰味酸主喉痺  
止洩痢十月采陰乾

羊實

別錄曰味苦寒主頭禿  
惡瘡疥癬痂癰生蜀郡

桑莖實

別錄曰味酸溫無毒主乳孕餘病輕身益氣  
一名草玉葉如荏苳大葉生園中十月采

可聚實

別錄曰味甘溫無毒主輕身益氣明目一名  
長壽生山野道中穗如麥葉如艾五月采

蒲陰實

別錄曰味酸平無毒主益氣除熱止渴利小  
便長年生深山及園中莖如芥葉小實如櫻

桃七月成  
普曰蔓如瓜

馬顛  
別錄曰味甘有毒  
療浮腫不可多食

馬逢  
別錄曰味辛  
無毒主癰疽

兔棗  
別錄曰味酸無毒主輕身益氣  
生丹陽陵地高尺許實如棗

鹿良  
別錄曰味鹹臭主小兒驚癇  
賁豚癰瘕大人瘕五月采

雞湟  
別錄曰味甘平無毒主明目  
中寒風諸不足水腫邪氣補中止洩痢療女子白沃一名陰洛生

雞山采  
無時

犀洛  
別錄曰味甘無毒主癰瘕  
一名星洛一名泥洛

雀梅

別錄曰味酸寒有毒主蝕惡瘡一名千雀生海水石谷間弘景曰葉與實俱如麥李

燕齒

別錄曰主小兒疳寒熱五月五日采

土齒

別錄曰味甘平無毒主輕身益氣長年生山陵地中狀如馬牙

金莖

別錄曰味苦平無毒主金瘡內漏一名葉金草生澤中高處

白背

別錄曰味苦平無毒主寒熱洗惡瘡疥生山陵根似紫葳葉如燕盧采無時

青雌

別錄曰味苦主惡瘡禿敗瘡火氣殺三垂一名垂損一名孟推生方山山谷

白辛

別錄曰味辛有毒主寒熱一名脫尾一名羊草生楚山三月采根白而香

赤舉

別錄曰味甘無毒主腹痛一名羊飴一名陵渴生山陰二月花銳蔓草上五月實黑中有核三

月三日采  
葉陰乾

赤涅

別錄曰味甘無毒主痼崩中止血益氣生蜀郡山石陰地濕處采無時

赤赫

別錄曰味苦寒有毒主痼瘍惡敗瘡除三虫邪氣生益州川谷二月八月采

黃秫

別錄曰味苦無毒主心煩止汗出生如桐根

黃辯

別錄曰味甘平無毒主心腹疝瘕口瘡臍傷一名經辯

紫給

別錄曰味鹹主毒風頭洩注一名野葵生高陵下地三月三日采根根如烏頭

紫藍

別錄曰味鹹無毒主食肉得毒能消除之

糞藍

別錄曰味苦主身痒瘡白禿漆瘡洗之生房陵

巴朱

寒別錄曰味甘無毒主  
寒上血帶下生錐陽

柴紫

肌別錄曰味苦主小腹痛利小腹破積聚長  
肌肉久服輕身長年生寃句二月七月采

文石

生別錄曰味甘主寒熱心煩一名泰石  
生東郡山澤中水下五色有汁潤澤

路石

氣別錄曰味甘酸無毒主心腹止汗生肌酒痂益  
氣耐寒實骨髓一名陵石生草石上天雨獨乾

赤

日出獨濡花黃莖赤黑三歲一實  
如麻子五月十月采莖葉陰乾

曠石

神別錄曰味甘平無毒主益氣養  
神除熱止渴生江南如石草

敗石

無別錄曰味苦  
無毒主渴痺

石劇

毒別錄曰味甘無  
止消渴中

石芸

別錄曰味甘無毒主目痛淋露寒熱溢血一名螫烈一名顧啄三月五月采莖葉陰乾

竹付

別錄曰味甘無毒止痛除血

秘惡

別錄曰味酸無毒主療肝邪氣一名杜逢

盧精

別錄曰味平治蠱毒生益州

唐夷

別錄曰味苦無毒主療踠折

知杖

別錄曰味甘無毒療疝

河煎

別錄曰味酸主結氣癰在喉頸者生海中八月九月采

區余

別錄曰味辛無毒主心腹熱癢

王明

別錄曰味苦主身熱邪氣小兒身熱以浴之生山谷一名王草

師系

別錄曰味甘無毒主癰腫惡瘡煮洗之一名臣堯一名巨骨一名鬼芭生平澤八月采

并苦

別錄曰主欬逆上氣益肺氣安五臟一名蠶薰一名玉荆三月采陰乾 蠶音或

索千

別錄曰味苦無毒主易耳一名馬耳

良達

別錄曰主齒痛止渴輕身生山陰莖蔓延大如葵子滑小

戈共

別錄曰味苦寒無毒主驚氣傷寒腹痛羸瘦皮中有邪氣手足寒無色生益州山谷惡蜚蠊

舩虹

別錄曰味酸無毒主下氣止煩渴可作浴湯藥色黃生蜀郡立秋取

姑活

別錄曰味甘溫無毒主大風邪氣濕痺寒痛久服輕身益氣耐老一名冬葵子生河東弘景曰

藥無用者乃有固活丸即是野葛之名冬葵亦非菜之冬葵子也恭曰別本一名雞精

白女腸

別錄曰味辛溫無毒主洩痢腸澼療心痛破癰瘰癧生深山山谷葉如藍實赤赤女腸同

白扇根

別錄曰味苦寒無毒主瘡皮膚寒熱出汗令人變

黃白支

別錄曰生山陵三月四月采根暴乾

父陸根

別錄曰味辛有毒以熨癰腫膚脹一名膏魚一名梓藻

芥拍腹

別錄曰味辛溫無毒主輕身療痺五月采陰乾

五母麻

別錄曰味苦有毒主痿痺不便下痢一名鹿麻一名歸澤麻一名天麻一名苦草生田野

五月采時珍曰茺蔚之白花者亦名天麻草

五色符

別錄曰味苦微溫主欬逆五臟邪氣調中益氣明目殺蟲青符白符赤符黑符黃符各隨

色補其臟白符一名女木生巴山谷

救救人者

別錄曰味甘有毒主疝痺通氣諸不足生人家宮室五月十月采暴乾

常吏之生

蜀本吏作更別錄曰味苦平無毒主明目實有刺大如稻梁

載

別錄曰味酸無毒主諸惡氣

慶

別錄曰味苦無毒主咳嗽

裸

音戶瓦切別錄曰味甘無毒主益氣延年生山谷中白順理十月采

芥

別錄曰味苦寒無毒主消渴止血婦人痰除痺一名梨葉如大青

本草拾遺 一十三種

鵝鳥漿

藏器曰生江南林木下高一二尺葉陰紫色冬不凋有赤子如珠味甘溫無毒能解諸毒

故名山人浸酒服主風血羸老頌曰鵝鳥威生信州山野中春生青葉九月有花如蓬蒿菜花淡黃色不

結實實療癰腫  
癰毒采無時

吉祥草

藏器曰生西國胡人將來也味甘溫無毒主明目強記補心力時珍曰今人種一種草葉

如漳蘭四時青翠夏開紫花成穗  
易繁亦名吉祥草非此吉祥也

雞腳草

藏器曰生澤畔赤莖對葉如百合苗味苦平無毒主赤白久痢成疳

兔肝草

藏器曰初生細葉軟似兔肝一名雞肝味甘平無毒主金瘡止血生肉解丹石發熱

斷罐草

藏器曰主丁瘡合白牙莖菜半夏地骨皮青苔蜂窠小兒髮緋帛等分五月五日燒灰每

湯服一錢拔根也  
莖音畜羊蹄根也

千金鏹

藏器曰生江南高二三尺主蛇蟻虫咬毒搗傳瘡上生肌止痛

土落草

藏器曰生嶺南山谷葉細長味甘溫無毒主腹冷氣痛瘰癧酒煎服亦搗汁溫服

倚待草

藏器曰生桂州如安山谷葉圓高二三尺八月采味甘溫無毒主血氣虛勞腰膝疼弱風

緩羸瘦無顏色絕陽無子婦人老血浸酒服逐病極速故名倚待

藥王草

藏器曰苗莖青色摘之有汁味甘平無毒解一切毒止鼻衄吐血祛煩躁

筋子根

藏器曰生四明山苗高尺餘葉圓厚光潤冬不凋根大如指亦名根子味苦溫無毒主心

腰痛不問冷熱遠近惡鬼氣注刺痛霍亂蠱毒暴下  
血酒飲磨服頌曰根子生威州山中味苦辛溫主心  
中結塊久積  
氣攻臍下痛

盧藥

藏器曰生胡國似乾茅黃赤色味鹹溫無毒主  
折傷內損瘀血生膚止痛治五臟除邪氣補虛

損產後血病水煮服之亦搗傳傷處時珍曰外臺  
秘要治隨馬內損取盧藥末一兩牛乳一錢煎服

無風獨搖草

拾遺珣曰生大秦國及嶺南五月五日  
采諸山野亦往往有之頭若彈子尾若

鳥尾兩片開合見人自動故曰獨搖性溫平無毒主  
頭骨遊風遍身癢煮汁淋洗藏器曰帶之令夫相愛  
時珍曰羌活天麻鬼臼薜御四者皆名無風獨搖草  
而物不同也段成式酉陽雜俎言雅州出舞草三葉  
如決明一葉在莖端兩葉居莖之半相對人近之歌  
謳及抵掌則葉動如舞按此即虞美人草亦無風獨

搖之類也。又按山海經云：姑媯之山，帝女死焉，化為  
菑，其葉相重，花黃，實如兔絲，服之媚人。郭璞注云：一  
名荒夫草。此說與陳藏器佩之  
相愛之語相似，豈即一物與？

### 唐海藥本草 一種

宜南草

珣曰：生廣南山谷，有莢，長二尺許，內有薄片，  
似紙，大小如蟬翼，主邪小男女以緋絹袋盛，  
佩之，臂上辟惡，止驚，此草生南方，故名與萱草之  
宜男不同。

### 宋開寶本草 一種

陀得花

志曰：味甘，溫，無毒，主一切風，血浸酒服，生西  
國，胡人將來，胡人采此花以釀酒，呼為三勒

漿

宋圖經外類 二十種

建水草

頌曰生福州枝葉似桑四時常有土人取葉焙乾研末溫酒服治走注風痛

百藥祖

頌曰生天台山中冬夏常青土人采葉治風有效

催風使

頌曰生天台山中冬夏常青土人采葉治風有效時珍曰五加皮亦名催風使

刺虎

頌曰生睦州凌冬不凋采根葉枝入藥味甘主一切腫痛風疾剉焙為末酒服一錢時珍曰壽

域方治丹瘤用虎刺即壽星草搗汁塗之又伏牛花一名隔虎刺

石逍遙

頌曰生常州冬夏常有無花實味苦微寒無毒主癰瘰諸風手足不遂為末煉蜜丸梧子

大酒服二十九日二服百日瘥久服益氣輕身初服時微有頭痛無害

黃寮郎

頌曰生天台山中冬夏常青土人采根治風

摘刺治喉痛用根搗汁入少酒滴之即愈又醫學集

成云牙痛者取倒摘刺刀上燒之取煙煤綿蘸塞痛

處即止

黃花子

頌曰生信州春生青葉三月開花似辣菜花

百兩金

頌曰生戎州河中府雲安軍苗高二三尺有

秋後背紫面青初秋開花青碧色結實如豆大生青

熟赤無時采根去心用味苦性平無毒治壅熱咽

腫痛含一寸嚙汁其河中出者根赤如蔓菁莖細青

色四月開碎黃花似星宿花五月采根長及一寸晒

乾用治風涎

地茄子

頌曰生商州三月開花結子五六月采陰乾味微辛溫有小毒主中風痰涎麻痺下熱毒

氣破堅積利膈消癰腫瘡癰散血墮胎

田母草

頌曰生臨江軍無花實三月采根性涼主煩熱及小兒風熱尤效

田麻

頌曰生信州田野及溝澗旁春夏生青葉八月中生小莢冬月采葉治癰癰腫毒

芥心草

頌曰生淄州引蔓白色根黃色四月采苗葉搗末治瘡疥甚效

苦芥子

頌曰生秦州苗長一尺餘莖青葉如柳開白花似榆葉其子黑色味苦大寒無毒明目治

血風煩躁

布里草

頌曰生南恩州原野中莖高三四尺葉似李而大至夏不花而實食之瀉人采根皮焙為

末味甘寒有小毒治瘡疥殺蟲

茆質汗

頌曰生信州葉青花白七月采根治風腫行血有效

胡堇草

頌曰生密州東武山田中枝葉似小堇菜花紫色似翹軛花一枝七葉花出兩三莖春采

苗味辛滑無毒主五臟營衛肌肉皮中痂血止痛散血搗汁塗金瘡凡打撲損傷筋骨惡癰腫用同松枝乳香亂髮灰花桑柴炭同搗丸彈子大每酒服一丸其痛立止

小兒羣

頌曰生施州叢高一尺以來春夏生苗葉無花冬枯其根味辛性涼無毒同左纏草即葵

花根焙乾等分為末每酒服一錢治淋疾無忌

獨腳仙

頌曰生福州山林旁陰泉處多有之春生苗葉圓落下紫腳長三四寸秋冬葉落夏連根

葉采焙為末酒煎半錢服治婦人血塊

撮石合草

頌曰生眉州平田中莖高二尺以來葉似穀葉十二月萌芽二月有花不結實其苗

味甘無毒療金瘡

露筋草

頌曰生施州株高三尺以來春生苗隨即開花結子碧綠色四時不凋其根味辛瀉性涼

無毒主蜘蛛蜈蚣傷焙研以白礬水調貼之

# 本草綱目 三十八種

九龍草

時珍曰生平澤生紅子狀如楊梅其苗解諸毒治喉痛搗汗灌之折傷骨筋者搗罨患處

蛇虺傷者搗汗入雄黃二錢服其痛立止又楊清叟外科云喉風重舌牙關緊閉者取九龍草一名金釵

草單枝上者為妙只用根不用皮打碎綿裹筋上擦  
牙關即開乃插深喉中取出痰涎乃以火炙熱帶鹽  
點之即愈

### 荔枝草

時珍曰衛生易簡方治蛇咬犬傷及破傷風  
取草一握約三兩以酒二盞煎一盞服取汗

出效

### 水銀草

時珍曰衛生易簡方治眼昏每服三  
錢入木賊少許水一錢煎八分服

### 透骨草

時珍曰治筋骨一切風濕疼痛攣縮寒濕腳  
氣孫氏集效方治癰風遍身瘡癰用透骨草

苦參大黃雄黃各五錢研末煎湯于密室中席圍先  
熏至汗出如雨淋洗之普濟方治反胃噎食透骨  
草獨科蒼耳生牡蠣各一錢薑三片水煎服楊誠經  
驗方治一切腫毒初起用透骨草漏蘆防風地榆等

分煎湯綿蘸乘熱不住盪之二三日即消

蛇眼草

時珍曰生古井及年久陰下處形如淡竹葉背後皆是紅圈如蛇眼狀唐瑤經驗方治蛇

咬搗爛傳患處

驚項草

時珍曰臞仙壽域方治咽喉生瘡取花同白芷椒根皮研末吹瘡口即效

蛇魚草

時珍曰戴原禮證治要訣云治金瘡血出不止搗傳之

九里香草

時珍曰傳滋醫學集成治肚癰搗碎浸酒服

白筵草

時珍曰香草也蟲最畏之孫真人千金方治諸蟲瘡疥癩取根葉煎水隔日一洗

環腸草

時珍曰張子和儒門事親方治蠱脹晒乾煎水日服以小便利為度

劄耳草

時珍曰王執中資生經治氣聾方中用之

耳環草

時珍曰危亦林得效方治五痔接軟納患處即效一名碧蟬兒花

銅鼓草

時珍曰范成大虞衡志云出廣西其實如瓜治瘍毒

蟹螯草

時珍曰摘玄方治腫脹用半斤同冬瓜皮半斤紫蘇根葉半斤生薑皮三兩煎湯熏洗暖

臥取汗洗三次小便清長自然脹退

野苧草

時珍曰摘玄方治痞滿用五斤以一半安烏盆內置雞子十箇在草上以草一半蓋之米

醋浸二宿雞子殼軟乃取于飯上蒸熟頓食之塊漸消也經驗

纖霞草

時珍曰陳巽經驗方元臟虛冷氣攻臍腹痛用硃砂一兩生烏頭去皮二兩纖霞草二兩

為末以小沙罐固濟慢火燒赤以此草拌砲入內不蓋口頂火一秤煨之爐冷取出同烏頭末蒸餅丸梧

子大每服三丸醋湯下

牛脂芳

時珍曰經驗良方治七孔出血為粗末每服一勻瓦器煎服以紗合頭項并紫小指根

鴨腳青

時珍曰普濟方治疔瘡如連珠者同蕪蘇研爛糖水拌刷之

天仙蓮

時珍曰衛生易簡方治惡毒瘡癰搗葉傅之

雙頭蓮

時珍曰一名催生草主婦人產難左手把之即生又主腫脹利小便衛生易簡方治大人

小兒牙疳搗爛貼之

豬藍子

時珍曰衛生易簡方治耳內有膿名通耳用子為末筒吹入不過二三次愈

天芥菜

時珍曰生平野小葉如芥狀味苦一名雞病粘主蛇傷同金沸草入鹽搗傳之王璠醫林

集要治腫下生腫毒以鹽醋同搗傳之散腫止痛膿已成者亦安亦治一切腫毒

佛掌花

時珍曰普濟方治疔瘡如櫻桃者用根同生薑蜜研汁服之外以天茄葉貼之

郭公刺

時珍曰一名光骨刺取葉搗細油調傳天泡瘡虞搏醫學正傳治哮喘取根剉水煎服即

止

蘆箕柴

時珍曰生山中王永輔惠濟方治癰瘡取皮煎湯服須臾痒不可忍以手爬破出毒氣即

愈

碎米柴

時珍曰主癰疽發背取藥入傳藥用

羊屎柴

時珍曰一名牛屎柴生山野葉類鶴虱四月

子根可毒魚夏用苗葉冬用根主癰疽發背搗爛傳

之能合瘡口散膿血乾者為末漿水調傳又治下血

如傾水取生根一斤生白酒

二斗煮一斗空心隨量飲

山枇杷柴

時珍曰危亦林得效方治湯

三角風

時珍曰一名三角光取石上者尤

葉下紅

時珍曰主飛絲入目腫痛同鹽少許絹

滿江紅

時珍曰主癰

隔山消時珍曰出太和山白色主腹脹積滯孫天仁

集効方治氣隔噎食轉食用隔山消二兩雞

脫皮一兩牛膽南星朱砂各一兩急性子二錢為末煉蜜丸小豆大每服一錢淡薑湯下

石見穿

時珍曰生骨痛大風癰腫

醉醒草

時珍曰天寶遺事玄宗于興慶池邊植之叢生葉紫而心殷醉客摘草嗅之立醒

墓頭回

時珍曰董炳集驗方治崩中赤白帶下用一把酒水各半蓋童尿半蓋新紅花一捻煎七

分臥時溫服日近者一服久則三服愈其效如神一僧用此治蔡大尹內人有効

羊茅

時珍曰羊喜食之故名普濟方治喉痺腫痛搗汁嚥之

阿兔只

時珍曰劉郁西域記云出西域狀如苦參主打撲傷損婦人損胎用豆許嚥之自消又治

魚鼠瘡


阿息兒

時珍曰西域記云出西域狀如地骨皮治婦人產後衣不下又治金瘡膿不出嚼爛塗之

出即

奴哥撒兒

時珍曰西域記云出西域狀如桔梗治金瘡及腸與筋斷者嚼爛傳之自續也



本草綱目卷二十一